

UTL AT DOWNSVIEW



D RANGE BAY SHLF POS ITEM C
39 13 27 04 06 007 4

PL
248
L3A17
1916

Leskofçali, Muṣṭafā Gālib
Dīvān

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

129


808



GĀLIB, Laskovsali

اسقوفی غالب بک

دیوان



استانبول — مطبعة عامرة

۱۳۳۰



Digitized by the Internet Archive
in 2010 with funding from
University of Toronto

غزل

ما سوزده نین کدر دیدار کندیه کدر
عالم خلوت غم ایله یار کندیه کدر

کله کله غم عتافده کتم حال
ایه عجزده ای غم زار کندیه کدر

حکم نرسد ایتم غیمه تارده
کله کله غم زار کندیه کدر

غم نرسد کدر ای غم
غم زار کله ایله یار کندیه کدر

بزننه بهن قفا نهاده ایله
کله کله غم زار کندیه کدر

Leskūfçalı, Mustafa



لسقوفچلی غالب بک

Dilān

دیوان



استانبول — مطبعة عامره

۱۳۳۵

INSTITUTE OF ISLAMIC STUDIES

PL
248
L3A17
1916



952839

مصطفیٰ غالب بک

اسلافك احوال و آثارینی تدقیق ایدنلر، آنلرك حیاتی
- معناً - تمید و اخلافك افکاری ده تنویر ایتیش اولورلر که
بو خدمت مبروره، عالم انسانیقی ستایش خوان ایدر .
قابل انکار دکدر که خلف، شاهراه دانشده نه قدر
طی منازل ایتسه - آرقه ده براق دینی - سافدن مستغنی
اوله ماز .

سلف - تغیرات ازمان و احکامه، ترقیات مدنییه
رغمأ - رهنمای خاف عد اولنه بیایر .

اسلافی اونو تمق، اخلافی دوشونمه مک دیمکدر که
حمیت وطنیه، غیرت ملیه ادعاسنده بولنانلر، بوطور
خودکامانه لریله وطن و ماته بیکیانه لکارینی اثبات ایدرلر .
اجداد معنویه مقامنده بولنان اسلاف کرامه قارشی
حسن حرمت و محبت ایله محاط اولمیان قلبلر، احاطه معالییه
مستعد اولمیان قلوب قاسیه در که اصحابی - عشق وطنله
منور الجنان اولان - حمیت مندان امتت نزدنده هر زمان
مردود و مطعوندر .

معرفتک موقر اولدینی مدن متمدن ده دانشپناهان
 اسلافه نه درجه اعتنا ایدلدیکی، آثار منتشره ايله ثابتدر.
 زیرا معرفت، روح الحیاء عد اولندیغیچون ارباب
 معرفته - حیات قدر - اهمیت ویرمکه لزوم کورلمشدر.
 یاشامق ایچون بیلیمک لازمدر. بیلیمینلرک،
 بیلیمه مکده اصرار ایدنلرک، یاشامق حقنی حائز اولمدقلرینه،
 تاریخ دینیلن نوحه کر کهن سالک - اقوام منقرضه حقیقه -
 انشاد ایتدیکی مرثیه لر، برر شاهد عبرت نمادر.
 انسانیت، معرفتله قائمدر. معرفت موقر اولمازسه
 انسانیت، محقر اولور. تحقیر انسانیتله دعوا ای انسانیت -
 جبره ده مراجعت اولنسه - قابل جمع دکدر.
 حقایق بدیهیه دندرکه معرفتده رواج، اربابی تقدیره
 محتاجدر.

تقدیر مزیت، نه عالی خصلتدرکه مقدر - حد ذاتنده
 محروم مزیت اولسه ده - بو شعار مستحسنیله نفسنی
 زمره مزیت کارانه الحاق ایده بیلیر. بنابرین
 « اهل هنرک قدرینی بیلیمک ده هنردر »
 دیه نلر، حقیقه خدمت ایتمشلردر.

مزیت ناشناسـ لمغك منشائی نه در، جهل ايله - آنك
ولد مادر بخطاسی اولان - سوء اخلاق دكلی ؟

مزیت ناشناس، جهان انسانیت ایچون اويله برعضو
مضر در که حیاته مسلط اولان حوینات مهلكه دن زیاده ایقاع
خساره مقتدر در .

بوخصیصه خسیسه ايله متصف اولان شخص
منحوسه نك تسلط اتندن مزیت مندان ملتی صیانت، آنلره
- حیات وماتلرنده - حرمت ایتك، مزیت شناسانك
اجل وظائفدر .

اك بیوك صیانت وحرمت ایسه، اوقیمتلی آدمرك
- عمر ثانیسی حکمنده اولان - اثرلرینی محافظه وانظار
اخلافه عرض ایتكدر .

اسلافك احیای نامنه چالیشانلر، حقیقتده کندی
ناملرینی احیا ایتمش اولورلر. غیره خدمت، نفسه خدمتدر.
طالب همت، مكب خدمت اولغه مجبوردر .

باخصوص نعمت معرفتدن قلیل النصیب اولان بر
ملت آره سنده - مادی ومعنوی انواع موانع هائله
مقاومته - کسب وجود ایدن ذوات معدوده نك شخصلرینه.
اثرلرینه نه مرتبه اعتنا ایتك لازم کله چکی آزاده ایضا حدره.

اعتنادهان تولد ایدہ جک منافعت ، اسلافدن زیادہ
معاصرین و اخلافہ راجع اولدیغنی تقدیر ایتدی کمز
ایچوندرکه احیای آثارہ - استطاعتمز درجہ سنده - بذل
مجهود ابلکده یز .



مسالك مختلفه یه منسوب مشاهیر ملتک احوال و آثارینی
تتبع ایلدی کمز زمانلرده شاعر بدیع المقال لسقوفچه لی
(مصطفی غالب بک) مرحوم ده نظر دقمتی جلب ایتشدی .
نامق کمال و هر سکلای عارف حکمت بکلرک (استاذ محترم)
ظانید قلری بوشاعر مقتدرک آثارینی مطالعه ایتمک ایسته دم .
« خرابات » ده کی برقاج شعر یله هر سکلای مرحومک
او قودینی اوچ بش غزلدن ، و قتيله نشر اولنان (رونق)
تامنده کی مجموعه ده مندرج بر غزلدن بشقه اثرینی کورمک
قابل اوله مدی .

ادبادهان ساح بک افندی [۱] « رسملی غزته » نک
سر محرر لکنده بولندیغنی ائنده - نه صورتله تدارک ایدلدیکی
نیجه معلوم اولیان - دیوانچه غالبک نشرینه باشلانیدیغنی
مقاله آتیله ایلان اولندی [۲] :

[۱] قونیه والی سابق .

[۲] رسملی غزته : ۱۶ شعبان ۱۳۱۵

« بونسخه دن اعتباراً غزته مزه مشاهیر شعرا من دین لسقوفچه لی
 غالب بك مرحومك آثار بنی درج ایتمه باشلا یورز . مشارالیه ،
 نصلسه اقتدار ی نسبتنده شهرت یاب اوله مامشدر . کندیسنگ
 آثار منتشره سی اوتوز بش قرق سنه اول نشر ایدیلن بر مجموعه
 منتخباته [۱] درج ایدلش اولان « بوقطعه م تازه بر کلدن
 کاستان بیاندن » مصراعنی حاوی قصیده سندن مفرز برقاق
 بیت ایله ینه بوجمعه ده کوریلن برایکی پارچه شعردن عبارتدر .
 ادبیات عثمانیه مزى شمیدیکی طرز لطیفه ارجاع ایدن مؤسسینگ
 زمان صباوتلرنده غالب بك مرحوم ، ینه استادان بلاغدن
 معدود بر سخور شهرت شعرا یدى . بونلر غالب بك اقتدار عالی سندن
 بر جوق استفاده لر ایتدکاری کبی اوائل ایام اشهارلرنده یازدقلری
 اشعاردن اکثری مشارالیهك غزللرینه نظیره اوله رق وجوده
 کتیرلشدر . بوندن بویله پی در پی درج ایده جکمز آثارندن
 آکلاشیله جنی وجه ایله مشارالیه ادبیات جدیده ایله ایتلاف
 ایده مدیکی ایچون یازدینی شیلر علی العموم طرز قدیمه موافقدر .
 بونکله برابر ادبیات قدیمه مزك دورا خیره طوغری شعر مزده
 التزام اولفان نائل قديم وادیسنگ الكممتاز پیروانی آره سنده الك
 کوزل شعرلر ، ینه مشارالیهك آثار یدر . مع التأسف ترجمه حالنه
 دسترس اوله مدیفمز ایچون بو بایده اعطای معلوماتدن بالمجبوریه
 صرف نظر ایدیورز . اشته مشارالیهك آثارندن برایکی غزلنی
 بو هفته کی نسخه مزه درج ایدیورز . »

بو اعلانی متعاقباً ساح بكك معذرتی ظهور ایتمه یله

[۱] خرابات - ضیا پاشا .

« رسملی غزته » نك امور تحریریه سی بعض رفقایله برابر
بكا تودیع ایدلدی .

دیوانچه نك - مطبعه ده بولدیغمز - نسخه مشوشه سندن
- ساح بكك اثرینه اتباعاً - غزته یه هر هفته برایکی غزل
درج ایدلك صورتیله اون آلتی غزل نشر اولندی .

غزته نك اثنای تعطیلنده اونسخه، اوراق پراکنده
آره سنده غائب اولدی . بك چوق آراتدیردم ، بولدیره مدم .
مشاغل کونا کوندن زیاده سیئه تسویف ایله دیوانچه یی
استصحاب ، یاخود استساخ ایتمدیكمه حالامأسفم .

بالاخره غالب بكك ترجمه حاله دائر تدقیقانه بولندیغم
هنكامده حلب مکتوبی اسبقی قدمای ادبادن ویس پاشا
زاده زین العابدین رشید بكك ، دیوانچه حقنده ویردیکی
خبر حزن آور ، بنی مایوس ایتدی .
مشارایه بر مکتوبنده :

« غالب بكك (روح ثانی) تسمیه ایتدیکی برنجی دیوانی
- حریق زده اولدینی زمان - اشیا سیله برلکده یاندى . ایکنجی
دیوانی کمال بك طبع اولنقى اوزره ماغوسه دن بكا کوندرمشدی .
حتی برعینن ده معارف نظارتنه ویرمك ورخصت آلتی ایچون
یازدیرمشدم . خیال غزته سنده قصابه محررلك ایدن ماهر بك
نامنده بری واردرکه همشیره سنی کمال بكك پدری تزوج ایتمشدی .

مقابلہ ایدیم دیہ دیوانک ایکی نسخہ سنی دہ آلدی . حالا اعاده ایدہ جک ،

دیوردی .

ماہر بکی بولمق ممکن اولسہ بیلہ دیوانی الندن آلمق - رشید بکک اشعارینہ کورہ - پک بیوک مہارتہ متوقف ایدی . زمان ایسہ ابراز مہارتہ مساعد دکل ایدی . بالمجبوریہ تحریرات و تعقیباتدن صرف نظر ایلدم .

دیوان اول ، غالب بکک مبادی شباہندہ سویلدیکی اشعاردن متشکلد کرکہ مرحوم ، پدرینک دیوان کتابتیلہ واندہ بولندیغی ائنادہ محترق اولمشدر . حتی برنخمسنده ،

طوتوشوب آہ شرربار ایلہ دارم یاندی

اثرم قالمدی ہب آتشیہ وارم یاندی

بیتیلہ احتراق دار و دیوانہ اشارت ایتمشدر .

ینہ اوصرمده ایدی کہ - برقید آرارکن - « بصیرت »

غزنیہ سنک ۲۱ جمادی الاخرہ ۱۲۹۲ تاریخلی نسخہ سندہ

مندرج اعلان آتی ، مصادف نظر اولدی :

« قالوب نفی معجز کودن قطعہ غراسنک قابلی

اولان مالک ملکہ فوق العادہ اسماعیل پاشازادہ غالب بک مرحومک

دیوان بلاغت عنوانی دردست طبع و تمثیلدر . فقط شاعر

مشار الیہک آثار منظومہ سندن نزدندہ اولوبدہ لطفاً مطبعہ مزہ

کوندره جک ذوات، حقیقه عالم ادبیاته بر خدمت جلیله و مرحومک ابقای نام نامیسنه بر معاونت جمیله ایتمش اولور. آثار کوندره جک ذوات ستوده سماته شکرانه بر مقابله و عاجزانه بر معامله اوله رق نسخ مطبوعه دن بر قاچ عدد اهدا قلنور. اشبو دیوانده « بر تحفه کبی الدن اله ارمغان اولور » وصفی محصول افکار قیمتداری بحق حائز و « یازار مشکل پسندان جهان اوراق جان اوزره » تعریفی اشعار بدایع نثاری حقنده اطلاق و ایراد حقیقه شایان و جائز اولان و ادبیاتجه محاکات و مؤاخذاتی جمله نك مقبول و مسلمی بولنان بر ادیب صابرک مطول و مفصل بر تقریضی واردر .

اعلانده موضوع بحث اولان دیوان « ادیب صابر » دینیان نامق کمال بك مرحومک مانغوسه دن رشید بکه کوندره دیکي نسخه اولدیغنه حکم ایتک ایچون شایان احتجاج بروشیقه یه مالک دکلز .

بك مرحومک « مطول و مفصل تقریضی » مؤثرله اثر حقنده البته شایان اهمیت معلومات و ملاحظاتی احتوا ایلشدر که - دیوان قدر حائز قیمت اولان - اوتقریضک بوکون الله بولنماسی ، سزاوار اسف عظیمدر . الله بولنسیدی، غالب بکی پک یقیندن طانیان بر استاذ صاحب کلاک تدقیقات و مطالعاتی شمدی بو صحیفه لری تزیین و استفاده مکمله مزى تأمین ایدردی .

« بصیرت » ك نسخ آتیه سنده دیوانك طبعنه، اشعار
 غالب حقنمه کی رجانك اسعاف ایدیلوب ایدلمدیکنه دائر
 بر اشارت کوريله مه مشدر .

اکرم بك مرحومك « زمزمه » سنده ده تقریض
 آتی مندر جدر :

« قضا معدوم ایدنجه غالب رندانه اطواری
 سوران آلمزدی برطوغری خبر دیوان غالبدن
 مزیاتن بیلائلر شاعر مغفورك اما کیم
 ینه هیچ ایتدی صرف نظر دیوان غالبدن
 مقادردان عرفان بعض اخوان وفا پرور
 بولوب جمع ایلدی خیلی اثر دیوان غالبدن
 ذهابجه سزادر بختیار عد ایلسه کنندین
 تدارك ایلان بو مختصر دیوان غالبدن
 تأمل ایلان هر برکلام نشئه بخشاسن
 مأل حکمت استنباط ایدر دیوان غالبدن
 عجمی لفظ شیرین ، معنی نوشین ایله اولسه
 عیان آمیزش شیروشکر دیوان غالبدن
 سواد خط لفظ ونور معناسیله لایقدر
 عیان اولسه فیوضات سحر دیوان غالبدن
 در و کوه دیمکسه فی المثل عالمده رنکین سوز
 صاچلسون هر یکا در و کهر دیوان غالبدن
 کل انصاف ایله حاسد ایشته اشعار سلف تکمیل
 ایچنده واری بر مقبول اثر دیوان غالبدن

دیوان

بیلیرلر قدرینی قیمت شناسان ادب (اکرم)
سکلا بحث ایلک آرتق یتر دیوان غالبند .

تقریضک اوچنچی بیتند « بعض اخوان وفا پرورک
دیوان غالبدن خیلی اثر بولوب جمع ایلدیکی » وحاشیه ده ده
« دیوان باصدیریله جق ایکن نصلسه طبع اولنه مدینی »
بیان ایدلمسنه کوره بودیوانک « بصیرت » ایله اعلان
اولنان نسخه اولسی ملحوظدر .

معارف ناظری بک افندی حضرتلرینک همت
مخصوصه سیله تشکل ایدن « آثار مفیده کتبخانه سی »
هیئتجه - اسم وجسملری کبی اثرلری ده ایدی قدر
ناشناسانده نابود اولان - کرام اسلافک آثاری - منفعت
خسیسه شخصیه ده دکل، منافع عالیه وطنه خدمت مقصد
حمیت کارانه سیله - تحری ایلدیکی اثناده ناظر مشارالیه
« دیوانچه غالب » ی هیئته تودیع بیوردی .

نام غالبی احیا ایدن بو همت ، هیئتیه ده وقف محمدت
ایلدی . وجودندن قطع امید ایدیلن برنسخه یکانه نک - که
برقاج صحیفه سی مؤثرینک خط دستیه محرردر - میدان
چیقمسی بالطبع موجب مسرت و میدانه چیقارانلرایچون
شایان مفرتردر .

مورد حقنده استحصال ایتدیکم معلوماتی نقله لزوم
 کوردم که دیوانچه نك - تعبیر جائز ایه - ترجمه حاله عائد
 موادك اَك مهمیدر .

۱۲۸۴ سنه هجریه سنده اصلاحات ایچون پرزینه
 اعزام اولئان رجال ملکیه دن عقیف بکله رجال علمیه دن
 سیف الدین افندینك خدمت کتابتنه تعین ایدیلن مجیب بکه [۱]
 اسکوب والیسی لسقوفچه لی اسماعیل پاشا، پک زیاده محبت
 حاصل ایلدیکندن اقشام صباح قوناغنه جلب ایدرمش .
 برکون پاشا، کریه بار تأثر اوله رق « اوغلم غالبك
 وفاتی خبر آلدیم، مکدر اولدم. بیچاره، عشرت یوزندن
 محو اولدی. بن بیلمزدم، مکر شاعر ایمش. شاعر اولدیغی
 حالده ینه بندن پاره چکردی [۲]. بکا دیوانتی ویردیلر،

[۱] دیوان محاسبات رئیس ثانسی ایکن ۲۵ شعبان
 ۱۳۲۷ ده وفات ایتدی. ارباب دانشدن ایدی.
 [۲] باشامرحوم، غالباً شاعریتك تولید ثروت ایده حکنه
 قانع ایمش. هیهات!

« خدای داند ومن دایم وتوهم دانی »

« که یک فلوس ندارد عیب ز کانی »

مأیله نوحه ساز اولان شاعر لرك عددی، حسابیه کلیه جاك
 درجه ده کثیر، بلکه عموم شعرانك فقیر اولدیغنی بیلسییدی
 (اوغلنك شاعر اولدیغنی حالده کندنندن پاره چکدیکنی) مقام
 تعجبه ایراد ایلزدی .

بنده سکا ویرہیم . صاحبی کبی ضایع اولمسون . برآردہ لق
باصدیررسک « دیمش .

« آثار مفیدہ کتبخانہ سی » ہیئتجہ آثار اسلافک
احیاسنہ تشبث اولنسنی تقدیر ایدن ماین هایون باشکابی
علی فؤاد بک افندینک مخدوم ادیبی قدر شناسان شباندن
عالی بک ، دیوانچہ یی مجیب بک مرحومک مخدومندن آلہ رق
پدر محترمی وساطتیلہ ناظر بک افندی یہ تودیع ایتدیر مشدر .
« بصیرت » ک اعلان ایتدیکی دیوانک بونسرخه اولوب
اولمدیغنی کشف ایتکده شمدی محالدر .

۱۲۹۳ ده (ایورانیہ) قصبہ سنی صربلیلرک استیلاسندہ
غالب بکک آثار شعریہ ونثریہ سی ایلہ - عائلہ یہ عائدکتابلرک
اورادہ بر اقلہ رق ہجرت ایدلدیکنی - مرحومک برادری
دلاور بکدن نقلاً نیشلی ابراہیم بک [۱] بیلدیردیکی کبی
خط دستیلہ محرر بعض اوراقی ، دامادی عاطف افندینک
زردندہ بولسدیغنی حالده مومی الیہ ، قاین پدرندن منتقل

[۱] بروسہ استیناف محکمہ سندہ اعضا ملازمیدر . سلسلہ
نسبی ، غالب بکک جدینہ منہیدر . غالب بکک برادرلرندن دلاور بکک
دامادی ودارالفنونندہ مدنیت تاریخی معلمی شاعر یحیی کمال وبورنوه
ناحبہ سی مدیری محمد رشاد بکلرک پدریدر .

اراضینک استردادی ایچون صرب محاکمندہ اوغراشدینی
صرہدہ وفات ایتیمسیلہ اوراقلک بلغراد باش شہبندری ماقسیم
افندیدہ قالدیغنی - عاطف افندینک دامادی - دعوی
وکیلرندن محمد غالب بک اشعار ایلشدیر .

غالب بکک « تذکرہ فطین » ایلہ « سہجیل عثمانی » دہ
مندرج اوچ بش سطرلق ترجمہ حالی ، معلومات کافیہ یی
حاوی دکلدر .

زیرا برنجیسی ، مرحومک اوائل حیاتندہ یازلدیغندن
ناقص ، ایکنجیسی دہ نقصانی نسبتندہ آلودہ خطادر .
دیوانچہ نکدہ تام برنسخہ اولمسی مشکوک وخارجده
بشقہ آثار بولنمسی محتملدر .

بناءً علیہ مشارالیهک ترجمہ حالیلہ آثارینہ دائر معلومات ،
مفقود دینیلہ جک درجہدہ محدود اولدیغندن - بصیرتدہ کی
اعلاندن قرق اوچ سنہ صکرہ - آتیدہ کی اعلان ، غزتلہ
تبلیغ اولندی :

« نامق کال بک مرحومک (استاد) وصفیلہ تجلیل ایتدیکی
لسقوفچہ لی غالب بکک دیواننک نسخہ یکانہ سی کال مشکلاتلہ المزہ
کجدی . بونسخہ ، مرحومک تکمیل آثارینی محتوی اولدیغندن
امین دکلز . طبع ایدہ جکمز نسخہ نک مکمل اولمسی آرزو ایتدیکه زدن
مرحوم مشارالیهک کرک حیاتنہ ، کرک آثارینہ متعلق معلوماتی

اولانلرك لطفاً مطبوعاً عامروده (آثار مفیده کتبخانه سی) هیئت
تودیع بیورملری رجا اولنور . بویولده ابراز معاونت بیوره جق
ذواتک اسمریله همتلری مقام تشکرده دیوانه درج ایدیه جکدر .
آره دن آیلر کچدیکی حالدہ بر طرفدن بر خبر و اثر
ظهور ایتدی . یالکیز از میرده - منتشر - « کویلی »
غزته سندہ بر ورقہ کورلدیسه ده - بزم اعلانی تکراردن
عبارت اولدیغیچون - قطعاً استفاده ایدیه مدی .

هرسکلی عارف حکمت بک ، دیاربکر والی اسبقی
سلانیکلی فائق پاشا ، زین العابدین رشید بک کبی مرحومه
ملاق و کالندن مستفیض اولان بعض ارباب عرفاندن و ققیله
اخذایده بیلدیکم معلومات ، بو عقیقه لرده بکا امداد ایتدی .
مزیت شناسان احبّامزدن بروسه لی محمد ظاهر بک
اخطاری او زرنه نیشلی ابراهیم بکله ده مخبره و مذاکره
ایدیه رک و یردیکی ایضا حاتدن - ممکن مرتبه - مستفید
اولدم .

غالب بک ، کنج دینیه بیلہ جک برسندہ وفات ایلدیکی کبی
اکثرأ طشرده بولنش ، وفاتندن بری ده یاریم عصر
کچمش اولدیغندن بو کون مشارالیه دأثر معلومات اعطا
ایده جک بر ذات قالمامشدر .

منابع مسدود ، وسائط مفقود اولدیغی حالدہ عرض

ایده بیلدیکم معلوماتک تأمین مقصد ایده میه جکخی اعترافله
برابر انشیرینی مناسب کوردم . چونکه اڭ آز فائده ،ینه
فائده در .

« الا ای هنرمند پا کیزه کوی »

« هنرمند انشیده ام عیب جوی »

ندای نصیح آمیزینه احاله کوش هوش ایتیه رک
نفسلرینی تقدیر، خلقی تعیرایدن خود پسندان، معلومات
مسروده یه اطاله لسان ایدرلرسه بن آنلره :

« کیمسه ده بر مزیت کوره مه ینلر ، هر درلو مزیتدن

محروم اولانلر در »

دیم . « مساعی مدیده نتیجه سنده بو قدر بولدم ، بو قدر
یازه بیلدم . سزدها مکمل یازارسه کز روح غالبله برلکده
عرض شکر و منت ایدرز » دیرم .



مصطفی غالب بك [۱] اسكوب والی اسبقی وزرادن

[۱] مشار الیه ،

« کل مجموعه اشعارینه دنیا اولور طالب »

« هزار باغ عشق احمدیدر مصطفی غالب »

بیتمده اسم و مخلصنی کوسترمشدر .

اسماعیل پاشانك اوغلیدر . ۱۲۴۵ [۱] سنه هجریه سنده
لسقوفچه ده طوغدی .

اسماعیل پاشانك جدی حسن پاشانك ، محارباتده
خدمات حسنه سی کورلدیکندن طرف دولتدن عهده سنه
صربستانده (آلاجه حصار) سنجاغی اعیانلغی توجیه
ونیش سنجاغی داخنده ارکوب ولسقوفچه قضاالرتده
واسع مالکانه لر احسان اولنه رق عائله سی اوحوالیده
توطن ایلدیلر .

حسن پاشانك وفاتنده اعیانلق ، مخدومی [یاخود حفیدی]
[۲] شمسوار پاشایه ، آنك ارتحالنده دیگر مخدومی شریف بکه
[۳] بالاخره شمسوار پاشا زاده اسماعیل پاشایه [۴] احاله
قلندی .

[۱] هرسکلی مرحوم ، تاریخ ولادت (۱۲۴۴) سنه سی
اولدیغی سویلردی . « تذکره فطین » ده (۱۲۴۵) ده تولد
ایلدیکی محرردر .

[۲] نیشلی ابراهیم بك ، حسن پاشانك اون برنجی عصره منسوب
امرای عسکریه دن اولدیغی اشعار وشمسوار پاشا ، مشارالیهك
اوغلی اولدیغنده تردد اظهار ایلدیکی کبی - رجای واقع اوزرینه -
لطفاً کوندردیکی سلسله نامه صورتندن ده اوغلی ، یاخود حفیدی
اولدیغی آکلاشیله مدیغندن بوجه ایله یازمغه مجبور اولدم .

[۳] نیشلی ابراهیم بكك جدا کبریدر .
[۴] صربستانك بدایت مختاریتنده سنجاق مرکزی ، آلاجه

شہسوار پاشانک عائله سی (شہسوار زاده) نامیہ معروفدر .

حصار دن لسقوفچه قصبہ سنہ نقل و اعیانلق نامی ، قائم مقاملغہ تحویل
ایدلدی . اسماعیل پاشا ، لسقوفچه قائم مقاملغہ تعیین ورتبہ میر میرانی
توجیہ قلندی . ۱۲۶۱ دہ قرہ حصار صاحبہ اجلا [*] وایکی سنہ
اقامہ ایدلدکن صکرہ غفواولنہرق درسعائہ جلب وجمادی الاولی
۱۲۶۶ دہ یکی ایل ، شعبان ۱۲۶۸ دہ قیصری ، ذی القعدہ
۱۲۶۹ دہ مرعش ، رجب ۱۲۷۰ دہ چلدر قائم مقاملغہ نصب

[*] مشارالیهک تبعیدینہ دائرہ ۵ ربیع الاخر ۱۲۶۱ تاریخی
(تقویم وقایع) دہ مندرج فقرہ :

« لسقوفچه قائم مقامی سابق اسماعیل پاشانک او یغوسزلنی واهالی
وتبعہ حقنہ تعدییسی تحقیق واستخباراولنہرق اولبابدہ کوندریلن
استعلامہ یہ جواباً روم ایلی اردوی هایونی مشیری عطوفتلو رشید
پاشا حضرتلری طرفندن ورود ایدن تحریرات مألنہ نظراً پاشای
مومی الیهک اورادن دفع وتبعیدی لازمہ دن وایجاب معدات سنیہ دن
بولنمش اولدیغندن کندوسنک اورادن قالدیریلہرق امثالی مثللو
فاملیاسیہ اناطولی طرفنہ کچوریلوب قرہ حصار صاحبہ اسکان
واقامہ وچلندہ بولان املاک وعقارینک صورت تسویہ سی دیکرلری
مثللو قو کتخدالرندن مختار بکہ حوالہ اولنسی مجلس والادہ
تسبیب وتصویب برلہ کیفیت خاکپای هایون حضرت شاهانہ دن
لدی الاستیذان اولبابدہ متعلق بیوریلان ارادہ سنیہ ملوکانہ
موجبہ پاشای مومی الیهک محل مذکورده اسکان اولنسی بایندہ
اقتضاً ایدن امر عالی اصدار ومشیر مشارالیه حضرتلرینہ تسیر
اولنشد . »

اسماعیل پاشانک ایکنجی زوجہ سی وغالب بکھ دلاور بکک
والدہ سی طوطی خانم، نیشلی حافظ پاشا زادہ محمود پاشانک
کریمہ سیدر .

غالب بک ، ۱۲۶۳ دہ پدربیلہ برابر قرہ حصار صاحب دن
استانبولہ کلدی . ۱۲۶۶ دہ صدارت مکتوبی قلمنہ داخل
اولدی .

اولندی . رجب ۱۲۷۱ دہ رتبہ وزارت لہ قارص محافظ لگنہ [*] ،
ذی الحجہ ۱۲۷۲ دہ حکاری - وان [**] ، ذی القعدہ ۱۲۷۶ دہ
حلب ، ربیع الاول ۱۲۷۸ دہ خرپوت ، شعبان ۱۲۷۹ دہ
ارضروم ، رجب ۱۲۸۳ دہ اسکوب - پرزرین والیکرینہ امین
ایدلدی . ربیع الاول ۱۲۸۵ دہ انفصال و ۲۱ رجب ۱۲۸۹ دہ
ارتحال ایلدی .

[*] مشارالیه قارص محافظ لگنہ تعیینندہ قوکتخدانی مخدومی
مکتوبی صدر عالی متحیزان خلفا سندن حافظ شہسوار راغب بکھ
نوجیہ ایدلدی . ومی الیہ ۱۲۸۲ دہ وفات ایتدی . ایوبدہ
دباغ خانہ تکیہ سی جوارندہ مدفوندر .

[**] وان سسناغٹنک حکاری ولایتہ الحاقی اوزرینہ
والی ، کاه حکاریدہ کاه واندہ اقامت ایلدیکہ سندن حکاریدہ
بولندجہ قائمقامی واندہ اوتورردی . والی ، واندہ کیتدجہ قائمقامی
حکاریدہ مقیم اولوردی .

۱۲۶۸ ده بوسنه والیسی ولی الدین پاشانک [۱] دیوان کتابته ، ذی الحجه ۱۲۶۸ ده - بوسنه ولایتی داخلنده - بنالوقه قائم مقاملغه نصب ایدلدی . شعبان ۱۲۶۹ ده انفصال ایدرک استانبوله عودت ایلدی .

روسیه محاربه سی اثناسنده بحریه اردوسی کتابته مأمور اوله رق قریمه کیتدی . پدینک حکاری - وان والیک هیکامنده وانه عزیمتله دیوان کتابته بولندی . عودتنده صدارت مکتوبی قلمنه دوام ایتدی .

۱۲۷۶ سنه سی اوائلنده درسعات امتعه کمرکی تحریرات باش کتابته تعیین اولندی . شعبان ۱۲۷۶ ده « امور مأموره سنده غیرت واقدامی مشهود اولدیغندن نام مأموریتک مکافاة کمرک تحریرات مدیر لکنه تحویلنه و صورت رسمیه ده اوله رق عهدده سنه حاله سنه بالاستیدان اراده سنیه » [۲] صادر اولدی .

سلانیکلی مرحوم فائق پاشا نقل ایتشدی :

« کافی پاشا [۳] باب عالی دن کاتب ایسته می اوزرینه

[۱] « کریدی » نامیله معروف صدر اسبق مصطفی نائی پاشانک اوغلیدر .

[۲] تقویم وقایع : ۲۶ شعبان ۱۲۷۶

[۳] کافی پاشا ، درسعات امتعه کمرکی اماتنه صفر ۱۲۷۶ ده تعیین اولشدر .

غالب بك، كركه كیتدی. نامق كمال، حالت [۱]، محمد سمدی [۲]
 بكلی، ادهم افندی بی [۳]، بنی برلکده کوتوردی. كمال
 بك، كندیك معاونی ایدی. بزی ده امور تحریریه ده استخدام
 ایدردی. كافی پاشا - استقامتی نسبتنده - حدید، غالب بك ده
 - لیاقتی مرتبه سنده - بدمست اولدینی حالد اهلیتنه حرمة حالنه
 تحمل ایدر، رعایت کوسترردی. مهم برشی یازدیره جنی زمان
 « غالب بك، رجا ایدرم بوكون ایچمه، شوایشی یاز» دیردی.
 صفر ۱۲۷۸ ده طرابلس غرب ایالتی كرك امانته
 تعیین قلندی. والی محمود ندیم پاشا [۴] ایله امتزاج
 ایده مدیكندن بر بچق سنه صكره انفصال ایلدی.
 مدحت پاشا، ۱۲۸۱ ده طونه والیلكنه تعییننده
 ارباب لیاقتدن بعض ذوات ایله برابر غالب بكی ده كوتوره رك
 مجلس اداره و لایت باش كتابتنده و طونه غزته سی محرر لكنده
 استخدام ایتدی.

حاب ولایتك مجدداً تشكیلله والیلكنه جودت پاشانك
 تعییننده مکتوبچیلک و محاسبه جیلک مأموریتلریچون طونه
 ولایتی مأمورین مقتدره سندن ایکی ذاتك اعزامی باب

[۱] معارف مکتوبچیسى .

[۲] دیون عمومیه مکتوبچیسى .

[۳] عدایه حواله مدیرى .

[۴] صدر اسبق .

عالیدن طلب اولنمسی اوزرینه غالب بك « مهارت قلمیه سیاه برابر بدایت تشکیلهندن بری ولایت رفاقتنده بولنه رقی اهلیت ولیاقتی معلوم و مجرب اولدیغندن » رمضان ۱۲۸۲ ده مکتوبجیلغه تعیین و ترفیعاً رتبه ثانیه صنف متمیزی توجیه اولندی. جودت پاشا ایله ۱۶ شوال ۱۲۸۲ ده حلبه عزیمت ایلدی. بش آلتی آی صکره استعفا ایدرك استانبوله کلدی .

زین العابدین رشید بك بر مکتوبنده دیرکه :

« . . . غالب بك ، حلب مکتوبجیلغه تعییننده مکتوبی معاونلیکنه حالت بکی سوق ایتشدی. حالت بك ایسه تعیینی کوندن اعتباراً مکتوبجیلنی قورار وجودت پاشا ایله غالبك بیننی بوزوب یرینه کچر [۱] پدرم مرحوم [۲] او آره لقاطنه متصرفی ایدی. غالب بك حلبدن درسعادهت کیشدی. صحاف قیصرلی محمدافندیك دکاننده خمسۀ عطایی مطالعه ایدرکن یاتنه کیتدم . « حلبدن نه وقت تشریف بیورلدی » دیدم . « دون کلدیم » دیدی . « خواجه پاشا نه یاپیور » دیدم . « نه خواجه ، نه پاشا » دیدی .

غالب بكك حلبدن عودتندن صکره بر مأموریتیه تعیین

[۱] حالت بك، مکتوبجیلغه ۱۸ جمادی الاولی ۱۲۸۳ ده تعیین اولمشدر .

[۲] ویس پاشا .

اولدیغنه دائر معلومات یوقدر . فقط حلبده بولسان
احباسندن برینه کریددن کوندردیکی مکتوبده [۱] :

« اوتهدن بری مدایح موقعیه وثنایای صناعیه سی
تشفیف ساز صماخ اولان کرید جزیره معموره سنه غلبه شوق
وانجذاب ایلله حاصل اولان علاقه محبت و سیر و تماشا سنه دل و جانندن
ظهور ایدن میل و رغبت و لاسیا اوراده جوشش نمای مجرای قدر
و قدرت و نشو و یاب زمین فیض و برکت اولان آب و دانه قسمت،
فی المثل عالم تصورده بر عرب قیزی اطلاقه سزاوار اولان حلبدن
دور و اوعرس جمله کاه عصمت و کل ازرق فام جنه مواصلته
مرور ایلدی »

دید کدن و کریدک لطافت آب و هوا سندن بحث ایتد کدن صکره
« حلبده اقامت اولتمقده اولدیغندن اوراده اسباب تسهیلیه
نقلیه، جزیره نک عیب و قصوری کی مفقود و بوجهته شام و سحر
مملکته آمد و شددده مشاق بدیه موجود اولدیغندن خفیف
بر کر دونه تداریکله بو محنتک استحصال چاره اندفاعی »
ایچون - حلبده بولدیغنی ائنده - مخاطبنک وعد ایتدیکی
آرا به نک کوندرلمسنی طلب ایلشدر .

بو مکتوبک تاریخیه مرسل الیهک هوتی و غالب بکک
کریده صورت عزیمتی مجهول ایسه ده مکتوبی، حلبدن
عوددن صکره یازمسنه نظراً کریده ۱۲۸۳ سنه سنده
عزیمت ایلدیکی آکلا شلمقده در .

[۱] لطائف انشا : جلد ۵ صحیفه ۵۱

ظهور ایدن اختلالك تسكینی واموراداره نك تنظیمی
ایچون صدر اسبق مصطفی نائی پاشا، اوتاریخده کریده
اعزام اولغمشدی [۱].

غالب بك، وقتیه مشار الیهك مخدومی ولی الدین
پاشانك دیوان کتابتده بولنه رق او عائلهیه کسب مناسبت
وخصوصیت ایتمش اولدیغندن مصطفی نائی پاشا - اوغلنك
توصیه سیله - غالب بکی خدمت کتابتده استخدام ایتمك
اوزره کریده کوتوردیکی، یاخود جلب ایلدیکی استدلال
ایدیله بیایر.

کریددن عودتندن صکره بر مأموریته تعیین قلمدی.
۱۴ شعبان ۱۲۸۴ ده [۲] اوتوز طقوز یاشنده وفات
ایتدی [۳].

§

[۱] مصطفی نائی پاشا، ربیع الاخر ۱۲۸۳ ده کریده عزیمت
و ذی القعدة ۱۲۸۳ ده استانبوله عودت ایلشدر.

[۲] جمادی الاخره، یاخود شعبانده وفات ایلدیکی هر سکل
مرحوم سویلردی. (سجل عثمانی) ده تاریخ ارتحالی (۱۴ شعبان) در.
ادبادن سلیمانیه لی مرحوم عبدالرحمن ناجم افندی « برسنه اول
وفات ابتسیدی [میر غالب] تاریخ اولوردی » دیر، اظهار تأسف
ایدرمش.

[۳] طوب قو قبرستانه دفن ایلدیکی هر سکل
ایشیدلمشدی. برادر امحمد توفیق بکله برلکده قبرستانی تدقیق

غالب بك، بوسنه ده بولنديغی ائنانده اشراف محلیه دن
بر ذاتك كریمه سیله ازدواج ایلشدر . وفاتندن صکره
زوجه سی، بوسنه سرایه عودتله اوراده رحلت ایتشدر .
۱۲۷۲ ده تولد ایدن اوغلی محمد بسالت بك، مكتب
اعدادی حربیه ده دوام ایلکده ایکن پدرینك ارتحالنده
لسقوفچه یه عزیمتله چقتلکندنه زراعتله مشغول اوله رق
اون طقوز، یکر می یاشنده بوسنه سرایده وفات ایلشدر .

۱۲۷۴ ده تولد ایدن كریمه سی عایشه خانم - بوسنه
وهرسكك آوستریا دولتی طرفدن اشغالی اوزرینه - زوجی
حاجی رجال زاده احمد عاطف افندی ایله برلکده بروسه یه
هجرت وبرمدت صکره وفات ایلسیله زوجی استانبوله،
متعاقباً از میره نقل مکان ایتشدر. عایشه خانمك كریمه سی،
از میرده دعوی وکیللرندن محمد غالب بكك حلیله سیدر .

ایتدك، غالب بكك مرقدینی بوله مدق. بلکه سنك مزار یاپلامش
یاخود - بعض امثالی کبی - غائب اولشدر. پدری اسماعیل پاشانك
ادرنه قپوسی قبرستاننده مدفون اولدیغنی نیشلی ابراهیم بك
بیایدردیکندن معارف نظارتی تألیف وترجمه دائره سی اعضاسندن
محمد ضیا و کوتاهیه مكتب سلطانیسی معلملرندن اسماعیل حق بکدرله
ادرنه قپوسی قبرستاننده ده تحریات اجرا ایتدك. نه باباسنك نه ده
اوغلنك قبرینه تصادف ایلدك .

غالب بک برادر لری :

حافظ شہسوار راغب بک ، طاہر بک ، سیف الدین بک ،
محمد بک ، زین اللہ بک ، دلاور بک .

§

غالب بک رسمنی آلدیردیغنی
« جوہر آیتہ نورخدا در صورتم
روشنادر اہل طبعہ صورتمدن سیرتم
نسخہ کبرای فطرتدر وجودم تا ازل
کوستر بر عالم حکمت مکمل ہیتم »
قطاعہ سیاہ

« مادر ذیشانہ اخطارنام وشکل ایچون
غالب ایتم کوندروب رسمم بیان اشتیاق »
ییتندن استقباط ایدرک پک چوق آرادم .

برالی ، کوکسندہ اولہرق رسمنی یاپدیردیغنی ،
دادیسنک نزدندہ محفوظ ایکن اولاد واحفادینک اللرنده
طولا شہرق بالاخرہ ضایع اولدیغنی آکلاشدی .
بالضرورہ دیوانچہ نی یالکز خط دستیلہ تزین ایدرک
رسمنی درجہ موفق اولہمدق .

« العذر عند کرام الناس مقبول » .



هرسکلی عارف حکمت بك مرحوم دیردی که :

« غالب بك ، قویو قرال صفالای ، ملیح الوجه ، مؤدب ، عصبي المزاج ، فوق العاده ذکی ایدی . بن ایکی اوطله لی برأوی کندیمه کنیش بولیورم . شناسی ایله غالب کائناتی طار کوررلردی . بونلره دنیا متوجه ایکن دنیایه صیغم دیلر ، کندیلرینی یدیلر . هله غالب ، انهماك عشرتله محو اولدی . »

ابوالضیا توفیق بك مرحوم ، مجموعه سنده [۱] قره قولا ق خاننك حولیسنده وقبيله تأسیس اولنان قازینودن بحث ایندیکی صروده دیرکه :

« بن ، سعادده پاشا مرحوم ایله هرسکلی عارف حکمت بك مرحومی ، کمالک دلالتیله بوراده طانیدم . ینیه بوراده ایدی که مدحت پاشا دلالتیله طونه تحریرات مدیرلکندن [۲] حلب مکتوبجلفنه ترفیعاً مأمور اولان و « قالوب نفیء معجز کودن » قطعه غراسنك قائلی بولنان لسقوفخه لی اسماعیل پاشا زاده غالب بك مرحومی طانیمش و حال و طورینه ووجاهت سیاسیله طلاق خارق العاده سنه وخصوصاً هرسکلی کبی ، کمال وکاظم [۳] بکرلرکبی اطوار لایالیانه وکفتاربی باکانه لريله مشهوراولانلرک، آنک حضورنده شق شفه ایتمکسزین مبهوتانه آنی دیکه دکارینه حیرتده قالمشدم . پوس بیقلی ، قرال وکور صفالای ، خدقه لری شدت نظر انفاذ ایدن چشماننده کی

[۱] نومرو : ۱۳۱ - صحیفه ۶۷

[۲] مجلس اداره و لایت باش کاتبی ایدی .

[۳] شاعر فریق کاظم پاشا .

لسقوفچہ لی غالب بک

علویت مہیہ ایلہ برابر غایت ملتفت اولان پوذات بعضاً اوضاعیلہ
 اویلہ برحالت شکیمہ اظهار ایدیوردی کہ انسان او عظمتک
 قارشیننده بیاغی لرزه ناکھراس اولیوردی . پیش نظرده کویاکہ
 نفی جانلانمش ده سهام قضا سندن بر بیت اوقیورمش کبی بر
 حالت خشیت تجلی ایدیوردی . غالب بکک وجہاً مدحت پاشا
 مرحومه غریب بر شہادت واری .

سلانیکلی فائق پاشا مرحوم دیردی کہ :

« غالب بکک لساننده لکنت واری [۱] سوزی زحمتله
 سویلردی . یازیبی اوقونمازدی . یالکز بملہ دہا برکشی
 اوقویہ بیلیردی . دعوای لیاقت ایتزدی . بنده یوز قدر غزلی
 واری . کندی اشعارملہ برابر ضایع اولدی . »

زین العابدین رشید بک، بر مکتوب بنده دیر کہ :

« غالب بک، غایت نازک و محویتلی، خلاصۂ عرفان دینیلہ بک
 بروجود ایدی . »

غالب بک ، زاده طبع بلیغانہ سی اولان

« قالب نفی » معجز کودن اورنک سخن محلول

سحن سنجان روم اولشدی ہر بر عصرده طالب

ایدنجه شمدی دعوی طبع اول جاہ معلای

دیدی حکام دیوان قضا الحکم للغالب »

[۱] ابوالضیا مرحوم ، « طلاق فوق العادہ سندن » بحث

ایتدیکی حالده غالب بکک حقیقہ سنک زوجی محمد غالب بک دہ لساننده

دکاکت واری ، دیور .

دیوان

قطعهٔ فاخرانه سیله بین الشعرا ادعای غلبه ده حقی اولدینی
کوریلور .

کمال کی، عارف حکمت کی - دیوان ادبده بالاستحقاق
نفس متکلم وحده اولان - اکابر سخن سرایانک ،
دعوی غالبه قارشی اختیار سکوت ایتلمی، حتی دعواسنی
طوعاً قبول ایله جناب غالبی استاذ ادب طانیلمی «الحکم للغالب»
قطعهٔ متحکمانه سنک بر ادعای متحکمانه دن عبارت اولمدیغنه
حجت قاطعه عد اولنه بیلیر .

معاصری اولان سائر ارباب شعر و ادبده حقی تسلیم
ومدعی غالبی - لایق اولدینی درجه ده - تکریم ایتمشلردر .
عارف حکمت مرحوم، نائی قديمك ترجمهٔ حالنه دائر
بر رسالهٔ ادبیه نشر ایدن مستجابی زاده عصمت بکه یازدینی
تذکرده ده :

« معاصرین شعرا مندن لسقوفچه لی اسماعیل پاشا زاده متوفی
غاب بك افندی که كرك بن كرك کمال بك کندیسندن تلذایدرک
نوهوسلاک زمانم زده هر ایکی مژکده استاذی ایدی » .

دیور .

مشارالیه ، برغزلنک مقطعه ده

مستفید فیضی یم حکمت ، جناب غالبک
نظم پا کی ورد جانمدر خیال قلب ایله

مرشد كل ملهم انوار معنادر كا ولور
جامع سبع المثاني اشتغال قلب ايله «
بیتلریله غالب بك حقنده کی احترامات قلبیه سنی عرض ایدیور.
کمال بك مرحومك، حق غالبده کی تعظیفات و تقدیراتی ده
ابیات آتیه دن مستبان اولور :

« خرقه پوشم شمدی حکمت خانه اندیشه ده
مرشد عالی جنابم غالب آکا هدر
رشك ایدر دیوان شوکت نسخه آثارینه
حکمی غالب کندی ملک نظمه شاهنشاهدر » [۱]

§
« عالم ادراك یکسر قبضه حکمنده در
شمدی طبع میر غالبدر جهان سالار فیض
اول کلیم معرفت کیم پرتو عرفان ايله
ایلمش حق خامه سین نخل تجلی زار فیض »

§
« جناب میر غالب عیسیٰ دوران همتدر .
ایدر هر برنفسده خامه سی احیای استغنا »

§
[۱] بوبیت ، « الحکم للغالب » قطعه مدعیانه سنک صدقنی
ضمناً تسلیم ایتکده در. غالب بك ده حق کماله توقیر و تقدیر
کوسترمشدر که

« یکانه شاه ملک معرفتدر طبعنه شمدی
سزا تقدیر ایدرسه عرض تخت و افسر اخلاص »
بیتی اوجمله دندر .

« کدای خاندانم بن بقول غالب استاد
خلیل الله اومار خوان شفاعت میربامدن »

§

« نشئه مند اتحادم غالب استاد ایله
مردم چشم شهودم مست خواب و خدمت »

§

« عاشقم حسن خیال غالب استاده کیم
شیوهٔ اعجاز ایله ایلر بیان حسن وعشق » .

مشارالیه « تعقیب خرابات » ده کی مؤاخذاتنده
غالب بکه عائد تکریماتی ابراز ایتمکده در :

« غالب بك مرحومك - که همان لقردی آ کلامغه موفق
اولدینم زماندن بری استانبولده باب عالیده حتی افندمر کبی
اکابرک مجالسندۀ افنای عمر ایتش بر ذات ایدی - نره لی
اولدینغی شعرینک کنارنده کوسترمک التزام مالایلم قبیلندن
اولزمی؟ خرابات صانیرم که سخن شناس اولانلر ایچون ترتیب
اولندی. عصرمزمک سخن شناسلری آره سنده ایسه « غالب بك »
مرحوم ، شاعر لکجه هپمزدن معروف ایدی . بر درجه ده که
وزن بیله بر چوجغه صورلسه شخصی بیلمزسه نامنی بیلور .
حال بویله ایکن اکر خراباتده مندرج اولان قطعه یی ، اول
کورمامش اولسیدیم اک محرمی اولان احبابندن اولدینم حالده
قولکمز غالب کیم اولدینغی بیله میه جک ایدم . چونکه غالب (بلاسلی)
دکل (لسقونخه لی) ایدی .

§ اعتقاد عاجزانه بجه مصطفیٰ انتخاب عالیرینه داخل اولان

ياران صفادن كاظم پاشايه ، حقى بىكه [۱] ، حكمت بىكه [۲]
 فائق ممدوح بىكه [۳]، مناسترلى فائق بىكه [۴]، عونى بىكه [۵]
 حاصلى شاعرطن ايتديكمز ذواتك هانكيسنه سؤال ايتكه نزل
 بيورلسه ايدى غالب بك مرحومك پدرينى ، مسقط رأسنى كندى
 حاللرندن بحث ايدر درجه لرده سهولته خبر ويررلر ايدى .
 § اديب مشاراليه ، هيمزك عندنده واجب التعظيم اولان
 حقايق جولردن وهرحاله هيمزى عاجز براقان نيكته كولردن
 ايدى . طوغديني محلى دكل ، دفن اولندينى ىرى بيله اونوتقى
 تركستانده الى قلم طوتان براديبه وباخصوص مقتداى ادبا اولان
 برحق شناس اديبه لايق دكلدرده آنك اينچون سويلندم طوردم .
 كمال بك - نمونه ادبياتك نظم قسمنه عائد بعض
 اخطاراتى حازى اوله رق - مدليدن ابوالضيا توفيق بىكه
 كوندردىكى ۲۴ جمادى الاخره ۱۲۹۶ تاريخلى مكتوب
 مفصلده ،

« كلم بزم عصر مره : طبيعت شاعرانه يه مالك
 اولانلر من شناسى ، غالب بك ، حقى بك ، كاظم پاشا ، هرسكلى
 [۱] اسماعيل پاشا زاده ابراهيم حقى بكدر . وفاتى : ۲۰
 صفر ۱۳۱۲

[۲] هرسكلى .
 [۳] داخليله ناظر اسبقى ممدوح پاشا .
 [۴] وفاتى : رمضان ۱۳۱۷ . ديوان اشعارى مدون وغير
 مطبوعدر .
 [۵] يكي شهرلى . وفاتى : ۱۵ ذى الحجه ۱۳۰۱

عارف حكمت بك ، اكرم بك ، حامد بك اوليور . شناسينك
اثرلري مطبوع . غالب مرحومك خاكنه حرمة عظمده اولان
اثرلريني بن يازارم . حق بكك ديواني ، كاظم پاشانك الكوزل
اثرلري مطبوعدر . كرچك اونوتدم ، زمانزده عونى بكده
شاعردر . آنك الكوزل شيلرينى خراباتده بولورسك باقى...»
دييور .

اكرم بك مرحوم «تعليم ادبيات» ده «الحكم للغالب»
قطعه سنى بالمناصبه ايراد ايتديكى صرهده غالب بكى عصر
اخيرك يتشديدريدكى نوادر معرفتن ديه توصيف وتجليل
ايدويور .

احمد مدحت افندى مرحوم ، ناجى افندى يه كوندرديكى
بر مكتوبده [۱] :

«كنجلكمده بنده شعرله اشتغال ايتدم . طونه ولايتى
مكتوبى قلمنده ايكن مكتوبى ، ميژمىز و باخصوص اركان مسودينك
سرآمدى اولان غالب بك مرحوم كى بهرء ادبيه ايله ممتاز اولان
بيوكلرمى ، بزه برطاقم نسخ ادبيه و برهرك تنظيملرينى امر ايدرلر
ونظم و نثرده ترقيمه بر غيرت خير خواهانه ايله همت بيوررلرايدى»
دييور .

غالب بكك - ادب و معرفتن نصيبى اولان - رجال

[۱] محاورات و محاورات : صفحه ۴۹

حکومت نزدنده ده معزز اولديغنه زين العابدین رشید بكك
نقل ایلدیکی شوفقره شهادت ایدر :

« برکیجه کنعان بكك [۱] خانه سینه کیتدم . غالب بك
کلدی . اولایا بالی مشرب اولان کنعان بك ، ممنونیتندن نه یاپه جغنی
شاشیردی . نعمت غیر مترقبه کی تلقی ایتدی . مال پولش مغربی به
دوندی . غالب بکه ایتدیکی تعظیم و تکریم تعریف اولنور درجه ده
دکلدی . عالم آیده مسامت کلدکجه اشعار اوقومق معتادی اولان
کنعان بك ، اوکیجه تأدباً سکوتی اختیار ایتدی . غالب بکی استاد
کل عد ایلدی . کندینی طفل انجدخوان منزله سینه تزیل ایتدی . »

غالب بكك برادرلرندن زين اله بك ، قوصوه ولایتی
داخلنده بر ناحیه مدیرلکندن انفصال ایدرک مبتلای
ضرورت اولسی اوزرینه - مؤخرأ والیلکه تعیین اولنان -
صدر اسبق خلیل رفعت پاشا مرحومه مکرراً مراجعت
واستدعای عاطفت ایلمش ايسه ده برفأده حاصل اولمديغندن
بر کون سائقة تأثرله « پاشا ، بنده سنك کبی بروزیرك
اوغلی اولديغم حالد ا کمک پاره سینه محتاج اولدم ، انصاف
ایت » مأنده بسط شکوی ایلر . پاشا ، پدرینی صورددن
صکره « برادرک غالب بکه طونه ده رفاقت ایتدك ، کالندن

[۱] آمدی دیوان هابون مشهور کنعان بکدر . وفاتی نه

۱۰ رجب ۱۲۹۳

دیوان

مستفید اولدق . اوهمزك استاذیدر . اوستمزده حقی
واردر ، دیر ، ولایتده بولندینی مدتیجه زین الله بکی ترفیعاً
قاممقاملقلرده استخدام ایدرکه حقوقه رعایت و فضیله
حرمت ایدیلن زمانلرک یادکاری اولان بوفقره ، غالب
بکک - وفاتندن صکردهده - بین الاودا مظهر احترام
اولدیغنه برهان عبرت آمیزدر .



غالب بکک نروده ، نه صورتله تحصیل معرفت ایتدیکی
تحقیق اولنه مدی . یالکیز ، پدریله برابر واندی بولندینی
اثناده علمای محلیه دن عرب و فرس لسانلریله ادبیاتی
تعلیم ایلدیکی معلومدر .

آء واجدادندن موروث اولان خصلت بهادرانه ،
مبادی شایسته کندینی سواریلکه ، سلاحشورلغه سوق
ایلدیکی حالدی طبعیت شعریه سی ، مؤخرأ هر درلوهوسات
واشتغالاته غلبه ایدرک قهرمانلغی ، میدان بیانده کوسترمکه
باشلامشدر .

معشوقه وجدان عد ایلدیکی شعر ایله پک کنج ایکن
مشغول اولدیغنه - واندی طعمه لهب اولان - دیوانی

دلالت ایدیور۔ زیرا (روح ثانی) تسمیہ ایتدیکی بودیوانی
وجودہ کتیردیکی زمان، یکر می التی، یکر می یدی یاشنده
ایدی .

محصول شباب اولان اشعارندن - احتراق آثاره
عاند نوحات آتشینی احتوا ایدن - بر ختمس ایله اوچ غزلدن
بشقه اثرینه تصادف ایدیلہ مدی . دیوان ثانیدہ مندرج
اولیان بونظم لرله ، اشعار اخیرہ سی آرمہ سندہ - متانت
ولطافتجہ - خیلی تفاوت کور نمکده در .

طبع ایتدی کمز دیوانچه ، دیوان اولاک ضیاغندن
وفاتنه قدر گذار ایدن اون سنه لك سائنحات بدیعہ نك
ظرف ظریفدر .

شعر لر ، نظر نافذله تدقیق اولنسه احتشام الفاظ
نسبتندہ احتشام معنی تجلی ساز اولور ، آهنگ وانسجام
هر مصراعده عرض دیدار ایدردہ شاعرک

« یارب بنی سن نطق ایله موسای کمال ایت

مجموعه می سر نسخه اعجاز خیال ایت

مضمون خطیار ایله ویر شعره رونق

هر بیت می بر طور تجلای جمال ایت »

طرز ندہ کی تضرع آتک جناب خالق اللوح والقلم نزدندہ
مظهر قبول اولدیغنه حکم ایدیلہ بیلیر .

فی الحقیقه متصوفانه ، عارفانه ، حکیمانه ، عاشقانه ترتم
ایتدیکی اشعار لطافت نثار، هر وادیده استاد بزرگوار اولدیغنه
پیته مینه در .

هر سکی مرحوم ، بر مکتوبنده :

« استاذ مشارالیه [غالب بك] جودت قریحه ،
جودت محفوظات ایله حاصل اوله یله جکندن و نائی ، جیادت
لفظ ومعنی اعتباریله بك ممتاز برسخنور اولدیغندن آنك مسلكنه
تقلیدی توسیه بیور لر دی »
دیور .

غالب بك ، شا كرد كامله مسلك نائی یی توصیه
ایلدیکی کبی کندی ده اوسخنور رقیق البیان ایله فهم قدیم
وادیسنی اختیار ایلمشدرکه - دیوانچه ده اشارت ایتدیکم
وجه ایله - بعض غزلیاتی مشارالیه مایه نظیره اوله رق
سویله مشدر .

« سنبل گلزار سودا زلف طرار کیدر »

§

« فتنه دور قیامت قامت نالاسیدر »

§

« قیلی قرق یارار اوستاد طبع نکته پردازم
میان هر نه دم آلهم خاله اینجه دن اینجه »

§

» دھان تنکیدر وار ایسہ کراول نقطۂ موسوم
کالور ارباب حکمت آئی قالہ اینجہ دن اینجہ «

کبی مضامین خاییدہ و

» اول حریف بزم عشقم کیم جمیع اختران
آہمک پروانہ در بر شعلہء شبکیرینہ «

کبی خیالات مبالغہ کارانہ ، اشعارندہ نادر آ مصادف انظار
اولور . فقط

» تاجوہر آیینۂ اسرار بطونز
بیک صورت ایلہ وحدتی اثبات ایدرزبز «

§

» مظهر فیض تجلادر سراپا کائنات
عالمک ہرزہ سی برطور سینادر بزہ « [۱]

§

» سجدہ آرایز مقام ثم وجہ اللہدہ
عالمک ہرجانی بیت معلادر بزہ «

§

[۱] » عارفان را جہۃ ہرزہ طوری میشود «

» جلوہ کاد حسن جانان خاص کوہ طور نیست «

بیت عارفانہ سی و

» جلوہ زار وجہ قدرت صائمہ یا لکنز طور در «

» دیدۂ حق بینہ ہر ہرزہ طور نور در «

بیت ناچیزانہ سی ایلہ متحد المآل کییدر .

« اول انا الحق کوی توحیدم که شور زانف ایله
دارمه بردار اولور منصور منصور اوستنه »

§

« هرنگهدن دهره غالب سیرجاناندر غرض
آه وضع جان شیدا مختلف سوداسی بر »

§

« حقیقت آشنایان وجوده ماسوی یوقدر »

§

« گلستان جهانده برکیاه نایجا یوقدر »
کبی عارفانه ، متصوفانه و

« ترجان رازیدرقش وجوهی عالمک
حالی هرکس بیان ایلر لسان حال ایله »

§

« علم ایسه مقصد اکر عارف نفس اول غالب
کندی بیلمه یین آدم کبی نادان اولماز »
کبی حکیمانه و

« آسمانه ناز ایدر فیض لطافتدن زمین
هرکلی برنجم غرادر شب مهتابده »

§

« متحدر اول قدر عالمده غالب حسن وعشق
اهل دردی صورسه لر دلدار کندین کوستر »

§

« خنده کله دکل کلشنده آه عندلیب
منذر در کوشه کوشه داستان حسن وعشق »

کبی عاشقانه سوزلره کثرتله تصادف اولنور که بوبدیعه لر
مؤثرینک قدرت شاعرانه و علو طبع حکیمانه سنه برر شاهد
ناطقدر .

غالب بک - عمری وفا ایدوب ده ادبیات جدیدنه
مظهر رغبت اولدینی زمانلره ادرالک ایتسیدی - طرز قدیمده
کوستردیکی قدرت بیانی، طرز جدیدده دهامبذول، دهام
بدیع صورته ابراز ایده بیلیردی .

آثار استاذانه سی استقراء ایدیلیرسه طبیعت عالیّه
شعریه سنک، هر وادیده تبلیغ حسیات وافکاره مساعد
اولدینی تبیین ایدر .

بناء علیه زماننده آهنگ عمومی به تطبیق نغمات ایتسی
قدرت شاعرانه - نه واشعارینک قیمتنه ایراث نقیصه ایده مزه .
باخصوص شعرلرنده

« اولوب مجروح ، پیکان قضادن طائر دولت
دمادم خون آقار چشم کبی شهبال ملتن « [۱]

[۱] نامق کمال بک، کافی پاشا زاده رفعت بکه [*] کوندردیکی
یر مکتوبده دیرکه :

« . . . بو حالنک کوکلده قالان اضطرابیله محزون محزون
برمدت اسباب انبساط تحری ایلدکن صکره استاد جلیل المناقب
غالب بک افندیکنک یاصدیق اوزرنده بولنان دیوانی کوزمه

[*] وفاتی : ۱ شوال ۱۳۰۸

بیت جیدی کبی - ادبیات جدیدہ نک تقدیر لر ، توقیر لرله
استقبال ایدہ جکی - افکار نوین و کزین دہ مفقود دکلدر .
(ملت) کلمہ سنی ، غالب بکدن مقدم بو طور بلیغانہ دہ
استعمال ایدن بر شاعر ، بلکه موجود در . فقط بن نخطر
ایده مدم .

مشار الیہک شعر کبی نثر دہ دہ مہارت کاملہ سی اولدیغہ
آشنالری شہادت ایدیور لر .

مقدما (مرأت) صاحبی رفیق بک ، مؤخرأ - چایلاق
لقبیلہ معروف اولان - توفیق افندی مرحوم لک نشر
ایتدکری (لطائف انشا) عنوانلی ائردہ غالب بکک بر
قاچ مکتوب خصوصی مندر جدر کہ بونلردن بشقہ
خصوصی ، رسمی ائار نثریہ سنی کورہ مدم .
بو مکتوب لر - یوقاریدہ بالمناسبہ اوچ بش سطری

ایلشدیکندن در حال صاریلوب آچنجه غریب حالدر کہ ابتدای
صحیفہ دہ « اولوب مجروح پیکان حوادث [**] . . . » بیتی
ظہور ایلدی . قرائتندن حاصل اولان تأثر می نصل تعریف ایدہ جکی
بیله مم . دنیادہ نہ قدر آلام و افکار واریسہ جملہ سی باشمہ
اوشوب بی اختیار سوقاغہ فیرلادم .

[**] دیوانچہ دہ « حوادث » یرینہ « قضادن » محرردر .

نقل اولٹان کرید مکتوب بندن آ کلاشیلہ جنی وجہ ایله -
طرز عتیقده یازلمشدر که کاتبک او طرز داخلنده حائر
اولدیغی اقتدار منشیانه بی ارانه ایتمکده در.

مدحت پاشانک طونه والیدکنه تعیننده مشار الیهی
برلکده کوتوره رک امور مهمه تحریریه ده استخدام ایسی،
اخیراً حلب مکتوبجیاغنه انتخاب وسوق ایدلمسی، زماننک
کتاب معروفه سندن اولدیغنه برهاندر .

سرعت قلمیه سی ، یارانجه مثل مشهور حکمنده در.
حتی رفاقنده کی کاتبلر، مسوده لرک کمال سرعتله یازلدیغندن
حروفی تفریقده زحمت چکدکاری بی بعضاً کندینه اسماع
ایدر لر ، اوده حق ویررمش . « لکن نه یابیم ، قلممی
طوتامیورم » دیرمش .

ابوالضیا توفیق بکک « یگی عثمانیلر » تاریخنده
« شرق انجمن دانش و عرفانی ریاست والاسنی حائر
برصاحب کمال » عنوان منعمشیله تعریف ایتدیکی فاضل
مشهور صدر اسبق یوسف کامل پاشا مرحومک نادئ
عرفانه غالب بک ، برصباح داخل اولور . پاشا، فهیم قدیمک

« عندایب باغ تجریدز بوفانی کلشنک
کللری خورشید اولورسه خاردامندر بزه »

بیتنی حاوی اولان غزلنه نظیره سویله مسنی - مقام
تلطیفده - تکلیف ایدر. غالب بك ، عودتله یاریم ساعتده
تنظیر ایدر، ذیلاً اوچ درت بیت ایله ده پاشایی مدح ایله [۱].
زین العابدین رشید بك ، نقل ایتشدی :

« کمال بك » برکیجه غالب بکه عرفینک یرفخیه سنی او قودم.
اوکیجه نك صباحی خانه سنه اوغرا دیغمده بکا
تجلی برق اورر بریر سواد داغ جاندن
جهان طور عشقم نور آقار هر کستاندن
فخریه سنی کوستردی . دیمشدی . کمال ، غالبک طبعنده کی سرعتی
آکلامق ایچون بونی سویله مشدی .

سلانیکلی فائق پاشادان ایشتمشدم :

« کافی پاشا ، برکون غالب بکه رسوماتک اداره عمومیه سنه
دائر تعلیمات شککنده برتحریرات تعریف ایتدی . غالب بك
بونی یازمق ایچون بر هفته مهلت ایسته دی . معاونه ایچون
کمال بکله بکاده مأذونیت آلدی . غالب بکک خانه سنه کیتدک .
مصاحبات ادبیه وعیش وعشرت ایله بر هفته تمام اولدی .
قبووقتنه ایکی ساعت قاله رق غالب قلمی آلدی . یکریمی کاغذ
یازدی . برحاله که بز یازدیغنی کاملاً او قومهدن او ، دیگر
کاغدی طولیدرردی . مسوده بی پاشایه کوتوردی . ایرتسی

[۱] بوققره نك راویسی اولان زین العابدین رشید بك
« نظیره ، غالب بکک خط دستیله بنده واردی . غائب ایتدم »
دیور. نظیره ، دیوانچه ده مندر جدر. فقط پاشانک مدحنه عائد
ابیات یوقدر .

استوقچه لی غالب بک

صباح غالب بکی دعوتله « بویله مهم و مکمل بر تعلیمات برهفته ده یازیلیری « دهرک تعجب و تشکر ابتد . .

نه فائده که بوقدر ذکاسیله ، بودرجه اقتداریه برابر غالب بک ده - امثال بی پایانی کبی - عشرت دینیلن اتحار تدریجی بی اختیار و عمر عزیزنی تارمار ایتشدر .

غریبدر که کندی ده « طیب یداو ی فهو مریض »
مأله موافق اوله رق

« زمردر عاقل ایسه ک اوله میه افتاده

اوله یله اوله یم [۱] بر یازیلور املاده »

دیمشدر . بوسوزینک املایه کمدیکی ، قالنک حالنه توافق ایتمه مسیله ثابتدر .

ضیا پاشا مرحوم ، غالب بک بدمستلکندن شکایت ایدرکن « کیلارجی عشرت تبسیسنی الله آلوب حرکت ایدر ایتمز سرخوش اولوردی » دیرمش .

غالب بک عشرته ابتلاسنی تصویر ایچون بوسوزدن دها بایغ ، فقط فحیج بر جمله ایراد ایتک مشکدر .

اوجهل مصیبت آمیزی بن ، نه وقت تخطر ایتسم متأثر اولورم . زیرا غالبی یقیندن طانیانلر ، ذکای فوق

[۱] ثوله یم .

العاده سنی تسلیم ای دیور لر . بویله بر ذکای . مشخصك محصول
کلی، بر دیوانچه دن عبارت قالملی ای دی . آندن پك چوق
همتله، خدمتله بکلنیر دی .

غالب کبی آسمان عرفانمزه نادرآ طلوع ایدن شمس
ذکانه، هنوز نشر انوار ایتمه دن غروبنی کورمک - حمیت
وطنیه ایله مشحون اولان - قلوب متوره یی البته ظلام
آلامه غرق ایدر که بوحال درد انکیزه صباح حشره قدر
آغلانسه سزادر .

غالب بکک اصالت اریه سنه منضم اولان نجابت
فطریه واستقامت وجدانیه سی، شهود صادق طرقدن
تأیید اولیور .

متدین، معتقد اولدیغی ده

غالب اودل که طالب راه نجات اولور

شرع شریف حضرت مولایه باغلانور «

بیت متشرعانه سی کبی سانحاتیله رهین ثبوتدر .

اعاظم مشایخ خالیده دن مولانا فیض الله افندی قدس
سره [۱] حضر تلیرینه انتسابی - نائلی قدیم طرزنده

[۱] ارتحالی : ۱۷ جادی الاخره ۱۲۹۳

سویڈیکی - [۲] منظومہ عارفانہ دہ

« رابطہ بند خلوص سر فیض اللہ دن

روز عشر مظهر دلخواہ اولان نقشیلرز »

بیتلہ انبا ایدیور .

مرد مسعود ، سیاتی معدود اولاندر . قباحی عشرتہ

منحصر اولان بوشاعر پاکیزہ خصلتک دہ رحمت غفار

الذنبہ مظهرتی مامولدر .

(روح اللہ روحہ) .

ابن لایبن

میکال

استانبول ۷ ربیع الآخر ۱۳۳۵

[۲] نائلینک منظومہ سی بو بیت ایله ابتدا ایدر :

« صورتہ پای درکل اولان خلوتیلرز »

« معنیدہ عرش منزل اولان خلوتیلرز »

تجلی برق اورد زیر سواد داغ جانمندن
 جهان طور عشقم نور آقر هر کستامندن
 بن اول فیض بهار کلشن نور شهو دم کیم
 شعاع لن ترانی جوش ایدر باد وزانمندن
 نوله هم فیض عیسا اولسه خاک باغ اندیشه م
 سراپا روح اولور ساری هوای دلستانمندن
 صغای جان ودل بر شمه در بوی نسیم مندن
 حیات جاودان بر رشحه در آب روانمندن
 بنم اول بلبل قدسی صغیر باغ فطرت کیم
 کلور پروازه مرغ عقل اول آشیانمندن
 بنم اول باغبان شعله تخم و برق حاصل کیم
 مه و خورشید ایکی کمتر کدودر بوستانمندن
 آلور کرو بیان بوی وفا کلنخل طبع مندن
 اولور روحانیان کلچین عصمت باغ جانمندن
 صفای کلستان باغ طبع کورسه کر ارواح
 کلور بلبل کبی کفتاره سر و چانمندن

بن اول وحی آور نظم که صیت شهر جبریل
 اولور پیدا صریر خامه معجز بیامدن
 بن اول اسرار کوی نسخه ام الکتابم کیم
 چیقار تفسیر بسم الله هر حرف بیامدن
 سواد مشربم اول عالم جود وغنادز کیم
 سلیمانلر ایدر دریوزه مور ناتوانمدن
 عجب بر گوشه کیرقاف استغناى عشقم کیم
 کلور پروازه عنقالر در وبام مکانمدن
 عجب بر جانفدای راه استغناى عشقم کیم
 ایدر پرورده عنقای هالر استخوانمدن
 وجود آزرده در حیرتله سرالسرغیمدن
 عدم معدومدر خجلتله جسم بی نشانمدن
 عناصر منکشف بر قطره در بحر شهودمده
 خواصی منبسط بر نشئه در رازنهامدن
 صفای اتّساع قلب ایله اول جوهر فردم
 که ملک لا مکان بر نقطه در کون و مکانمدن
 سراپا غرق نور پرتو تصدیق ایدر دهری
 شعاع مهرانلا برق اوروب کام ودهانمدن

دلم اول کوه کنجینه مهر خدادر کیم
 فروزاندر نجوم انوار شمع پاسبامدن
 عجب بر عالم آرا آفتاب عقل وادرا کم
 که پیدادر سراپا نجم حکمت آسمامدن
 دل پرداغ ایله اول کوکب افروز آسمانم کیم
 بولور جبریل راه عرشی شوق کهکشامدن
 ایشیدنلر کلام فاخرم فرط لطافتدن
 صانورلر سلسیل فیض اولور جاری زبانمندن
 عجبمی عاشقانه بر غزل ده ایلوب انشاد
 آقتسم جوی حسرت دشت طبع مهر بامندن
 ابد پرچوش اولور خون شهادت جسم وجامندن
 آچر بیک لاله دشت کربلا هر قطره قامندن
 بلا اندر بلاد اول قدر جسم نزارم کیم
 اجل ترسان اولور حیرتله مرک نا کهانمندن
 دکدر برق اوران داغ درونم موبموتنده
 عیاندلر شعله مهتاب هر تار کتایمندن
 سپند نار عشقم مهر و انجم صامه کردونک
 طوتشمش اطلسی یر یر ینار برق جهانمندن

بن اول آلوده دامن می عشقم که ای غالب
 اولور شخص قضا سر مست حیرت کچسه یا نمندن
 بن اول صحرا نورد یوسف آلم بو عالمده
 که کل چشم آور یعقوب کرد کار بانمندن
 بن اول علوی نژاد همتم اعمای مادر زاد
 بولور نور بصیرت دود شمع خاندانمندن
 عجب بر شب چراغ دودمان ملک قدسم کیم
 خلیل الله اومار خوان شفاعت میزبانمندن
 یتر دنیایی اعجاز ایلدک نظم ایله ای خامه
 یتر مست اولدی عالم جام فیض جاودانمندن
 نوله باغ جهانده اولسه مهر و ماهدن مشهور
 بوقطعه م تازه بر کلدن کلستان بیانمندن



غزلیات

اولوب مرسای حکمتدن سفر سازیم معنا
آچلدی کشتی اندیشه بسم الله مجریها
تعالی الله زهی کشتی طوفان سیر معنی کیم
کلور هر بر ستونندن ندایای وما اوحی
تعالی الله زهی کشتی کردون فلک معنی کیم
اولور هر بادبانی سایبان عالم بالا
عجب بر ناخدای کشتی بحر کالم کیم
ایدر هر بر حسابم بر جهان معرفت پیدا
بولور عز ممله نصرت اجتهاد عالم تحقیق
اولور کشف مله ظامر غایت ماهیت اشیا
او معجز کو حکیم کیم قالور بزمنده ندم بسته
زبان فیضی دانا لسان بو علی سینا
لسان حکمتدن روشنادر صورت معنی
جهان همتدن رونمادر قدرت مولا
اوجشید طرب سازم که هر جامده ظاهر در
صفای دولت دنیا بقای نشئه عقبا

او خلاق معانی یم که هر نطقمده مضمر در
 مأل - کمة الاشیا کمال علم الاسما
 او خلاق معانی یم که وصف ایلر جهان طبع
 زهی طبع جهان آرا تعالی شأنه الاعلا
 ایدوب معراج معنی غالبا پیغمبر طبع
 ایرشدی قرب او ادنایه سبحان الذی اسرا



سر تسر آینه اولسه کوره من روی صفا
 صیقل وحدتله جانہ ویر میان نور جلا
 تیر سرتیز دعاسن عرشه تا ایصال ایدر
 قبله ابروی یاره اول کیم ایلر اهتدا
 عالم عشق ایچره بیلمز راه ورهدان اهل دل
 عاشقه فیض خدای مستعاند رهنما
 داغ داغایت سینه کی سرتیشه توحیدایله
 مشعل افروز ره عشق اول دیلر سنا اهتدا
 کچم ای غالب هوای کا کل دلداردن
 سر تسر باغ مرادم روز کار ایتسه هبا



دله اقلیم جمد کلسن مأوای استغنا
 مرصع تاج زرد در غنچه زیبای استغنا

خوشا گلزار فیض عشق کیم بکرنک اولور آندہ
 کل خورشید محشر لاله صحرای استغنا
 خوشا بزم جنون کیم روشنادر تاب شمعندن
 چراغ عقل اول جوهر مینای استغنا
 بن اول جمشید فیض کیم صفای بزمه حیران
 دم نطق مسیحا نشئه صہبای استغنا
 بن اول کیخسرو مهر افسر فقرم کہ فخر ایلر
 شکوہ وشوکت ملہ عالم بالای استغنا
 نولہ ال صونسم کلغنجہ طور تجلایہ
 عیاندر آستینمدن ید بیضای استغنا
 هویدادر سواد ہمتدہ کعبہ مقصود
 نمایاندر دلدہ یثرب و بطحای استغنا
 طوافندہ اولور احرام بند افتخار ارواح
 مقدسدر اورتبہ کعبہ علیای استغنا
 اوکمنام کہ ای غالب بکا صحرای مرک اولمش
 سواد کنج عزلت سایہ عنقای استغنا



چیقنجہ تخت تجریدہ شہ دیوان استغنا
 طوتر تا عالم لاهوتی عز و شان استغنا

زمینی جلوہ کاد قدسیان عرش اعلادر
 اورتبہ مرتفعدر ساحۂ ایوان استغنا
 کرانجانان جاہہ یربولنمز دست ہمتدہ
 سبکبارانہ جولانکاحدر میدان استغنا
 مسیح اولسہ ک اولور برسوزنک تامانع رفعت
 کوتورمز ذرد ثقات کفۂ میزان استغنا
 تنزل ایلز ادہم کبی تخت سلیمانہ
 حقایقدان عز و شوکت عنوان استغنا
 عجیمی فقرایلہ عطار بندرکاہ فیض اولسم
 متاع ترک ایلہ وونق بولور دکان استغنا
 نولہ پنہان ایسہ دل خرقة فقر و ملامتدہ
 اولور پوشیدۂ بیت الحرم دامن استغنا
 جہانی طوتسہ طوفان حوادث تیرہ ناک اولمز
 کدورتدن بریدر مشرب رندان استغنا
 نولہ معمورایسہ فیض ایلہ غالب عرش اعظمدن
 دلمدر تختکاخ خسرو ذیشان استغنا



تم پرداگرد یکسر دل آکاخ ناپیدا
 جہان باغ سلام اولمش خلیل اللہ ناپیدا

عجب بر محشر آشوبدر بسملکه جانان
 شفاعت رایکان اولمش شفاعتخواه ناپیدا
 بن اول مست می خمخانه غیب وشهودم کیم
 اولور چشممده عالم کاه پیدا کاه ناپیدا
 عجب بردشت حیرتده خدنک انداز عشقم کیم
 نشان کم کشته شصت اشکسته تیرآه ناپیدا
 عجب بر چشمه جوی ظلمت آباد مرادم کیم
 هزاران خضر واسکندر نمایان راه ناپیدا
 اوقطب مرکز یاسم که دونسه طالع نا کاه
 اولور دور فلک برعکس وسال و ماه ناپیدا
 سلیمان سریر همتر بر یرده کیم غالب
 اولور شاه وکدا یکسان و مال وجاه ناپیدا



اوله لی شوق جنون مایه ادراک بکا [۱]
 ویردی ماهیت سودا نظریاک بکا
 بن او دلخسته هجرم که حکیم عشقک
 ایلش زهر غمی مایه تریاک بکا

[۱] نائلی :

ایده لی ذوق تحیر غمی تریاک بکا
 اولدی واسوختکی مایه ادراک بکا

طوطی قصه طراز کلمات عشقم
اولدی مرأت ملامت دل صدچاک بکا
سینه‌م اول اوجکه مهر محبتدر کیم
داغ‌داغ اولده‌در رشک ایله افلاک بکا
عنصرم عالم عرفان خدادر غالب
باعث ثقلت اولورمی بر اوج خاک بکا



چشم یارم خوابگاه فتنه کا کلدرد بکا [۱]
صبح محشر رنگ بالین تغافلدر بکا
قیس ناکام اسیر نکهت کیسوی دوست
حلقه زنجیر موج بوی سنبلدر بکا
هرکل معنی فضای دلد به رفوآره‌در
اشک بلبل آب کلزار تخیلدر بکا
صد هزاران غنایب قدس ایدر پرورده‌دل
تاسواد باغ سودا سایه کلدرد بکا
نوبهار باغ عشقم فیض ابرحسرت
داغ دل رنگ نگاه چشم بلبلدر بکا

[۱] نائلی :

سینه کلزار محبت ، ناله بلبلدر بکا
وقت داغ افروز بی دل موسم کلدرد بکا

باد آهمدر که غالب دائم ایلر شعله بار
داغلر کیم خانمانسوز تحملدر بکا



ایدنجه فیض حسنکله کوکل نقش جنون پیدا [۱]
اولور هر نقطه سندن یکسر اسرارشئون پیدا
سن اول سر سطر آیات قلمسک لوح فطرته
که اولمش نقش خطکله سواد کاف ونون پیدا
نکاهک مشکریز اولدجه ورد زخم سینه مدن
غزال آفتاب ایلر هزاران داغ خون پیدا
غرض تجهیز تحملدر ره اخلاصده یوخسه
ایدر هر کاربان آرزو بر رهنمون پیدا
کوریدی رتبه تحقیقی اشعارده غالب
ایدردی بوعلی کشفنده آثارظنون پیدا



چوق دکلددر مظهر سر قدیم اولمق بکا
ممتعدر فیض علمکدن عدیم اولمق بکا

[۱] نائلی :

یم آتش خروش دلدله اولدجه سکون پیدا
ایدر هر داغ حسرت تنده بر کرداب خون پیدا

نسخه کبرای عشقم ماحصل تکویندن
 چوققیدر آینه راز علیم اولمق بکا
 حکمتک حسمدده علمک جانده اظهار ایلدک
 لازم اولدی هم علیم وهم حکیم اولمق بکا
 نور رحانم امانتگاه قدرتدر دم
 چوققیدر مستولی عرش عظیم اولمق بکا
 وقف درگاه رضایم غالباً عصیان اولور
 مبتلای قید فردوس وجحیم اولمق بکا



اوله لی فیض جنون پرده درخواب بکا
 شور وسودا کورینور حکمت وآداب بکا
 آفتاب شرر افروز قدردر حکمم
 منجذبدر درشبنم کبی اسباب بکا
 لرزه ناکم اوقدر تاب وتب هجر ایله کیم
 رشک ایدر غیرت ایله معدن سیاب بکا
 برعجب کعبه عشقم دل پر خون ایله کیم
 اولدی کریان ایکی چشمم ایکی میزاب بکا
 وار اولان عقلی سلب ایلدی یکسر غالب
 ویردی حیرت اوقدر معنی ایجاب بکا



دو ستم مغرور اولوب بیلمم نه ناز ایلر بکا [۱]
 بن بلای عشقی یم عالم نیاز ایلر بکا
 اول جنون فتنه انکیزم که زلف یارده
 عقل کل بیگ درلو وضع دلنواز ایلر بکا
 رند مسلوب الاضافات زمانم کیم قضا
 جوهر ذاتمله عرض امتیاز ایلر بکا
 بن زباندان قضایم واقف سر حکم
 بی تکلف جمله اشیا کشف راز ایلر بکا
 غالب رندانه طورم کرچه دشمن در فلک
 اعتراض ایتمکدن اما احتراز ایلر بکا



ای که هجر که زمان ایام ماتمدر بکا
 هر خیالک دلد برماه محرمدر بکا

[۱] نائلی :

شادی و صلت چون تحمیل ناز ایلر بکا
 رند شادی دشمن بن غم نیاز ایلر بکا

فهم :

بر حیات ایچون قضا بیلمم نه ناز ایلر بکا
 بن شهید غمزیم عیسی نیاز ایلر بکا

بن فدای کربلای عشقکم روز ازل
دلشیدان محبت جمله همدرد بکا
مست بزم هجر یارم چاشنی سنج ممات
هر حجاب جام می بر ساغر سمدرد بکا
کوسترد هر ذره سی مهر هویتدن نشان
عالم فقر و فنا بر بشقه عالمدر بکا
کورمدم درد فسادن عرش و فرشنده نشاط
عالم امکان سراپا عالم غمدر بکا
اولیه حیرانم که غالب شمدی درد عشق ایله
مطلبده بیلزم بر سر مبهمدرد بکا



ای که هر ذره غبارك مهر رخساندر بکا
خا کپایک توتیای دیده جاندر بکا
ای که هر کون کویکه یوزسوردیکم درگاهنك
هر طاشی بر کوهر کان بدخساندر بکا
شیوه رفتارکی ابتدکجه کوکلمده خیال
هر مژمه چشمده بر شوخ خراماندر بکا
طورمه ای زاهد کوروب حالم بنی طعن ایله کیم
شعله زار طعن و تشنیعك کلستاندر بکا

کر چه خاکم نظره عالمده ای غالب ولی
اول همایم کیم فلکدر جای جولاندر بکا



تخالف کونه اوضاع پریشان نابجادر هب
سراپا اولسه ده احسان احبایه جفادر هب
هنر هر آدمک اخلاقنی ادرا کدر یوخسه
طبیعت حکمنه قارشو تعرض ناسزادر هب
الی غیرالنهایه نقطه تقسیم ایتسه ده یاران
بوافکار امر جسمیتده ذهنیدر هب: رهب
طبیعی عمرایه مخلوققدر معدوم اولور عالم
نهایت جمله مخلوقاتک احوالی فنادر هب
عبث صانمه جهانی حاضر اول بزم مکافاته
عبث ظن اینلک تکوین خلّاقی خطادر هب
ایدر هر شخصی حق روحندن الهامات ایله آگاه
بو یولده وادی انکاره کتمک ناروادر هب
بیلنمز عقل ایله مقصود خالق امر خلقتدن
پیمبر لر طریق اهتداده رهنمادر هب
بلای محض ایسه قیل عین رحمت موتی دنیاده
حیاتک کوردیکی ذوق و صفا درد و بلادر هب

جهانده عرض علم ایتمز حکیمه کثرت اعداد
 بواندیشه حساب قدرت رب خدادار هب
 مکان کائناته دائما مخصوص اولور ابعاد
 وجود ماسوانک خارجی سرخفادر هب
 بشر اقبال ایله افعاله غالب اولسه ده اکثر
 حقیقتده ینه جاری اولان حکم قصادر هب



اولسونمی درد دلدن جان شیدا مضطرب [۱]
 لرزشمدن عنصر عالم سراپا مضطرب
 اویله مایوسم که قیلمز حشره دک صورت قبول
 اولسه کر برذره یأسمله هیولا مضطرب
 درد هجریله او کریان بلایم کیم اولور
 دوشسه قطره اشک چشم هفت دریا مضطرب
 خاکم اما لرزده ناک حیرتم تاشویله کیم
 اضطرابمدن اولور عرش معلا مضطرب
 بزم یأسمدن دل آمال عالم یحضور
 دست حیرت پرورمدن جام صهبا مضطرب

[۱] فهم :

روح عشاق اوله ده پروانه آسامضطرب
 اولدی کویا شعله شمع تجلا مضطرب

عالم علوی به عرض ایت قبض تیغ غمزه سن
تا حیاتندن اوله خضر و مسیحا مضطرب
فارغ خوف ورجایم غالب اما کیم ینه
اضطراب ایتسم اولور دنیا و عقبا مضطرب



بن اول دیوانه یم فرزانه مشرب [۱]
که ایتدم مشربی دیوانه مشرب
سمندر کوسترر دنیایی طعم
غریب انموذجم پروانه مشرب
لبن کوسترسه کرمرآته ناگاه
ایدردی عکسنی مستانه مشرب
دکلدر آشنا احوال عشقه
عجب بر شو خدر بیکانه مشرب
ویروب هر داغه بر خون خروشان
حبابم ایلدم پیمانه مشرب
خیال لعلیدر غالب ایتسم
کچرمی باده دن رندانه مشرب



[۱] فہیم :

بن اول میخوار یم رندانه مشرب
که ایتدم مشربی مستانه مشرب

مهر رویك اولسه شوق افروزسوی آفتاب
 بر چراغ طور اولور هر کرد کوی آفتاب
 عرض زر بفت جمال ایت تازحام سیرایله
 ساحه گاه حشره دونسون چارسوی آفتاب
 نیل اشك شعله موج اوزره کیدن مردم دکل
 نقل ایدر تعظیم ایله موسایی جوی آفتاب
 عرض حسن ایتسه اوچوکان بازنخوت شعله دن
 آب اولوب ریزان اولور پایینه کوی آفتاب
 باده دیدارینك برقطره ویرمن نشه سن
 طولسه کر عین تجلادن سبوی آفتاب
 بوس پایك تاازل ایلامل قیلمه دریغ
 خا کدر سرتا بسر سیرایله روی آفتاب
 ایتسه برذره تجلی عالمه اول مهر حسن
 حشره دك غالب توکنمز کفتکوی آفتاب



عندلیبان زار اولور اول ورد خندانم کوروب
 غنجه لر ایلمر حسد چاک کریبانم کوروب
 کوهلر درد ایله ایگلر آه و فریادم طویوب
 جویلمر بر جوش اولور اشك فراوانم کوروب

مہر وانجملہ سپہری لالہ زار ایتمش قضا
 کلشن سینہ مدہ یر یر داغ ہجرانم کوروب
 جامہ عمرم چکوب چاک ایلش صائمہ اجل
 ایتمش استحضار بن بیماری درمانم کوروب
 شور عشقی صائمہ دہراچرہ تہی قویمش قضا
 فتنہ صالمش عالم اول شوخ فتانم کوروب
 سرتسر سیرایہ عالم زلفنہ دلدادہ در
 ای بنی تعیب ایدن حال پریشانم کوروب
 عرشہ روح فضولی آفرین کویا اولور
 بوغزللہ غالباً طبع سخندانم کوروب



درد فراق پردہ درخوابدر بوشب
 کوکلم دریغ خستہ بیتابدر بوشب
 سیر ایلسون جنود غمک سربسردلی
 کوکلم شعاع داغ ایلہ مہتابدر بوشب
 اشکم نثارہ باشدی برماہرو دریغ
 افلاک غرق موجہ سیلابدر بوشب
 شاید دعای منکسران مستجاب اولور
 پیکان آہ اوشوق ایلہ پرتابدر بوشب

صانمہ کے کسوف قیلدی کوروب روی انورین
 ماه منیر او شرم ایلہ کمیابدر بوشب
 قاندردی آب تیغنه عشاقی سربسر
 جملہ شهید غمزہ سی سیرابدر بوشب
 غالب نظیرہ سویلیہ من میرامقہ
 یہودہ کندی کندنی اعذابدر بوشب



صونسہ ال خنجرہ اول آفت دوران حیات
 براولور چاک کریبان ایلہ دامان حیات
 نشوؤ تیغ ایلہ عشاقہ ووروب فیض ابد
 ایلہ رشک ایلہ عیسیٰ پشیمان حیات
 مرهم زخم دلم ریژہ الماس ایلہ
 کوهر فیض ایلہ لبریز اولہ همیان حیات
 آغلسون حشرہ قدر دیدہ یعقوب امید
 دوشدی چاہ عدمہ یوسف کنعان حیات
 دم شمشیر ایلہ زخم دلی سیراب ایلہ
 تازہ انسون کل صبرک کلستان حیات
 فیضیاب دم کفتاری یم اول شوخک کیم
 جان بولور نشوؤ لعلیہ شہیدان حیات

نص خطی می لعل لبه ویردی جواز
بارك الله زهی سورده رحمان حیات
غالب اول عیسیٰ معجز نفس نظم کیم
حل اولور شعرم ایله نکتہ پنهان حیات.



ای دور خطی فتنه دوران قیامت
زلفکده نهان شور شبستان قیامت
غمزدك دوشور عالمی محشرده فساد.
چشمك اکر اولمزه نکهبان قیامت
ویر حکمی رفتار کلوب روز جزانك.
قدکله سنك قائم اولورشان قیامت
رفع ایله نقابك سر کویکده که ای ماه
منظور اوله خورشید درخشان قیامت
رسوای ایده یم غالب آنی روز جزاده
کیرسه اکر دسته دامن قیامت



نشئه بخش عالم لاهوت اولور صهای روح
نفخه لعل لبکده واریسه اجزای روح
ایلمز هر شیشه دن اظهار رنگ و بوی فیض
قلب صاف عارف بالله در مینای روح

ماورای سدرهٔ رحمانی ایلر نظره کاه
 مهر مازاغ البصر در دیدهٔ بینای روح
 صد حسد عالمده کیم معراج ایدر هر صبح و شام
 شوق حسنکله اورند لامکان پیمای روح
 پر و بالان سایبان ایلردی صحن محشره
 لانه زاد قاف عشقک اولسه کر عنقای روح
 رخشش شهبالی ایلر مهر خشمی تیره ناک
 وارایسه شبتاب دلدر شمع شب پیرای روح
 نص خطک سجدهٔ حسنی دله ایتشدی فرض
 ایتدن لفظ جسده التقا معنای روح
 بر نفسله سرتسر امواتی احیا ایلوب
 عالمه کوسترنه در ماهیت فحوای روح
 شعلهٔ دیدار ایله محو وجود ایتشدی دل
 هیئت تکوینه غالب دوشمدن سودای روح



عشق ایله ایتدکجه تندن جان شیدا انسلاخ
 عنصری تندن بولور کویا مسیحا انسلاخ
 شعله پاش اولدکجه اول مهر تجلای جمال
 فرط حیرتدن بولور طور اوزره موسا انسلاخ

كعبه كویكده عشاقك كوروب احرام بند
 كسوه اطلسدن ایلر عرش اعلا انسلاخ
 فیضیاب نشئه تجریدم اولسه كائنات
 صورت امكاندن ایلر هیولا انسلاخ
 برق روز افروز آهمدن جهان یكرنك اولوب
 فروه آرام شبیدن قیلدی دنیا انسلاخ
 مهر اوج وحدتم اولسم ضیایاش ظهور
 ونك كثرتن بولور اشیا سراپا انسلاخ
 صانمه غالب درد عشق مگله کریبان چاك اولور
 جامه عصمتدن ایلر شمدی رسوا انسلاخ



اولنجه نسر دل کردونده جولانكر تجرید
 اولور آواز شهبالی مسیحه رهبر تجرید
 خوشا فردوس همت کیم ویرر هر ساغر بزمی
 صفای سقی حیدر فیض موج کوثر تجرید
 خوشاملك جنون کیم روشادر هر سوادندن
 چراغ عقل اول آفتاب محشر تجرید
 بن اول جمشید سیركلشن فقر وافرغم کیم
 اولور هر لاله دست همتمده افسر تجرید

بن اول سرمست خواب آلوده صبح ظهورم کیم
 کل خورشید محشر در المده ساغر تجرید
 کوکل لیک کودر اول خلیل حسنه کیم اولمش
 طواف در کهی ارواحه حج اکبر تجرید
 عجمی مقتدای محنت واکدار ایسه طبعم
 اولور فقر و ملامت امت پیغمبر تجرید
 او حیدر هتم کیم تیغ عزمله بولور نصرت
 جهاد فقر واستغنا غزای اکبر تجرید
 سپهره هر شرار داغ سینهم مهر عالم سوز
 مسیحه هر شعاع دود آهم همسر تجرید
 بن اول پروانه دلسوز شمع بزم عشقم کیم
 غبار عنصر مدر توده خاکستر تجرید
 عجمی جامه دولتدر اعراض ایسه طبعم
 عبای فقر اولور غالب قباى حیدر تجرید



سینه پر زخم حوادث جان شیدا بی خبر
 تن خراب آباد ایوب شکیبانی خبر
 دل ایدر بر طورایله معراج قرب وصله کیم
 جان حیران ساکنان عرش اعلا بی خبر

حیرت اندر حیرتی کور بز مکاه طورده
 نور عالم سرتسر مست تجلا بی خبر
 نشئه مند ایتمش بزی بروجهله فیاض عشق
 کیم قضا نا آشنا تقدیر حالا بی خبر
 راز خاموشی لعلک کیمدن اوکرنسون کوکل
 شاهد اعجاز نامحرم مسیحا بی خبر
 فیض اوصافکله طولدی سینه صد افسوس کیم
 خامه غافل غالب سرتسر سودا بی خبر



کله لطفک یاده هم موجود هم نابود اولور
 کیمیا دنیاده هم موجود هم نابود اولور
 برعجب سرتسر نهانیدر هیولای وجود
 صورت اشیاده هم موجود هم نابود اولور
 عکس حسنک کیم ایدر آینه دن عرض جمال
 جوهر میناده هم موجود هم نابود اولور
 ظل ممدود حقیقتدر وجود کائنات
 عالم معناده هم موجود هم نابود اولور
 سینه ده ایتدکجه حسنک جلوئه غیب وشهود
 دل ته سوداده هم موجود هم نابود اولور

ایلدک یوققلقه بز عالمده اثبات وجود
رندا اولان دنیا ده هم موجود هم نابود اولور
رند اولان اقبال دهره غالب ایتمز اعتبار
مالدر خلیاده هم موجود هم نابود اولور



دله آتش زن هجران اولان سودای دیگر در
بزی مجنون دشت عشق ایدن لیلای دیگر در
حذر آشوب قدیاردن ای عرصه عالم
که صحرای قیامت طابب صحرای دیگر در
عبث زهاد ایله صحرا رو بیت الحرام اولق
مطاف اهل همت کعبه علیای دیگر در
دکدر منفعل آب وهوادن صورت طبع
هیولای وجودم جوهر والای دیگر در
جلال ایله جمال اولمز مؤثر قلب عشاقه
جهان عشقده فعال اولان اسمای دیگر در
نوله احکام فن منطقی نسخ ایتسه آثارم
قضایای محبت عاشقه دعوای دیگر در
اولور هر برکلامی زیب کوش آدم و حوا
کوکل رمز آشنای علم الاسمای دیگر در

حریف بزم عشق اولزمی کوثرله شیرین کام
دل مخمور غالب نشئه صهبای دیکر در



سنبل کلزار سودا زلف طرّار گمیدر
شمع خورشید تجّلا مهر رخسار گمیدر
غمزه خوانخوار که لولاک کویادر قضا
علت ایجاد فتنه چشم بیمار گمیدر
نص خطک بونجه دم ای شوخ تنزیل ایلز
روح قدسی کشته شمشیر خونخوار گمیدر
قدسیان پامال اولور بیک جان ایله ای مه سکا
اطلس کردون فرش پای رفتار گمیدر
فیض اعجاز کلامی عالمی مست ایلدی
کلک غالب منقبت کویای کفتار گمیدر



صانمه ایلر آب و تاب اول ماه غرّادن ظهور
نور وحدتدر ایدر مهر تجّلا دن ظهور
غرق انوار شهودز بر عجب کلشنده کیم
شاهد مقصود ایدر چشم تماشادن ظهور
فکر خطبکله کوکل شیرازه بند عشق ایدی
قیلمدن آثار فطرت کلک اعلا دن ظهور

نشوه دارلعلکم اولسم جماده فیض بخش
 نفیحه تکریم ایدر نقش مسیحادن ظهور
 فیض حسنکله دل زاهدده صامه نور عشق
 روح اعظم ایش سنک مصلا دن ظهور
 نور عقل احمدیدر لامکان پرواز اولور
 مرغ همت کیم ایدر عرش تولادن ظهور
 عالم حسن انچره دوشسه پرتو ک ای مه جمال
 شعله مهر جنون ایلردی لیلادن ظهور
 جلوه ساز صفحه مرأت وحدتدر بزه
 هر نه صورت کیم ایدر غالب هیولادن ظهور
 نامق عالیجنابک شعرینی تنظیر ایچون
 طبعمه الهام ایدر تاعرش اعلادن ظهور
 اول سخنکوی مکمل کیم در نظمی کبی
 ایتماش بر کوهر اصلا بحر معنادن ظهور



ایله ای مهر تجلا چشم و جانمندن ظهور
 ایلسون صیت انا الحق تازیانمندن ظهور
 بن او مرّیخ سپهر محنتم کیم سوزدل
 کوکب بختمله ایلر اقترانمندن ظهور

فکر روی وقد ایله صائمہ کُ شرار سوز دل
آفتاب حشر ایدر داغ نہا مندن ظهور
دلشہید غمزہ گم غلطیدہ اولسم خاکدہ
بیگ یم آشوب ایدر ہر قطرہ قائمندن ظهور
جانفدای عشق گم ای شاہ استغنا ایدر
برہای لامکان ہر استخوانمندن ظهور
بن اویعقوبیم غم یوسف لہ کایتمش تا ازل
بوی پیرا ہن حریم نکستامندن ظهور
ذرہ یم اما کمال طبع ایلہ غالب مدام
نور مہر وحدت ایلر آسمانمندن ظهور



دل بہار عشقنک کیم کاشن مأوا سیدر
مہر محشر بر محقر لالہ حمراسیدر
ہر خرامندن اولور بیگ شور محشر آشکار
فتنہ دور قیامت قامت بالاسیدر
باغ خلد اولسہ خرام ایتدیکجہ ایلر شعلہ زار
رنک خجلت اول مہک بر آتشین خاراسیدر
نوبہار باغ حسنی اولقدر اولمش لطیف
کویا روح مجرد بر کل زیباسیدر

عالم عشق و جنونم بلبل کلزار مک
 نفیخهٔ صور قیامت نالهٔ شکوایسیدر
 باده نوشم بر عجب عین تجلادن که بن
 بز مک عقل مجرد جوهر میناسیدر
 بویله معجز نظم ایله دنیا به حیرت بخش اولان
 غالبک فن سخنده هب یدطولا سیدر



هر نه دم کیم رویک اوزره کا کلک آنک اولور
 ابره شرمندن کیرر خورشید رنگا رنگ اولور
 باده خوار جام عشقم بولسه فیضمدن اثر
 حشره دک بز مده زهره نغمه ساز چنک اولور
 آه ایدردم اول مهی کوردکجه اما قور قورم
 صور محشر نغمهٔ آهمله هم آهنگ اولور
 ایرمیم شاید دیو سر سدرهٔ آماله
 اشهب بجتم براق جنت اولسه لنگ اولور
 حسنی تصویر ایدوب معناده غالب اول بتک
 شعر مک هر بیتی رشک خانهٔ ارژنگ اولور



نجم بجتم کردش دوراندن رنجیده در
 حیف کوهر جوشش عماندن رنجیده در

کور مسون شاید دیو رؤیاده دل روی مراد
 خواب چشمم جنبش مژکندن رنجیده در
 مطلبم اول شاهد معدوم مطلقدر بنم
 کیم وجودی شیوه امکاندن رنجیده در
 سنده منت کویستروب آزرده قیلمه ای قضا
 تا ازل حسرتله کوکلم جاندن رنجیده در
 کلمه عیسی ایلز غالب قبول اندفاع
 درد دل کیم شیوه در ماندن رنجیده در



ره فرقتده صائمه قیس دل گمنام عشقکدر
 کلان هر برک قبرمدن صدای نام عشقکدر
 قضا که قیس مجنون کاه فرهادی هلاک ایلر
 وقوعات جهان هب شیوه احکام عشقکدر
 دکلدر کهکشان شمشیر ابرو چرخ چاک ایتیش
 هلال مه فلکده خنجر بهرام عشقکدر
 دکلدر مهر وانجم رونما یر یر سپهر اوزره
 فلکدر داغدار خال هندو فام عشقکدر
 می لعل لبلبله غالی یاد ایله محشرده
 قومه مخمور او بر مست خراب جام عشقکدر



دلم کیم شوق رویگله اسیر کا کل اولمشدر
 شعاع داغمک هرلمه سی برسنبل اولمشدر
 کوکل آشفته سوداسیدر بریلیٰ حسنک
 که تار زلفنک دیوانه سی عقل کل اولمشدر
 نوله سوزان اولورسه نار عشقگله دل بیتاب
 نیجه بیک خاندان اول شوق ایله یانمش کل اولمشدر
 ایشیدنلر نوای نالشم کلزار طور اوزره
 صانورلر مرغ باغ لن ترانی بابل اولمشدر
 عجب فیض اثر وار باده جانخش لعلگده
 خیالیله وجودم سرتسر عین مل اولمشدر
 قضا درگاه پیرطبعمه کش سوال ایلر
 النده سرنکون طاس فلک برچککل اولمشدر
 دکل رنک شفق غالب کورنجه مهر آثارم
 قرارمش شرم ایله روی سپهرک کل کل اولمشدر



اشکم که درد عشق ایله سیلان اولوب کیدر
 هر قطره کمینه سی طوفان اولوب کیدر
 اولمش قرین مهر جمالك که تابخشر
 خورشید و ماه اوشوق ایله رخشان اولوب کیدر

سیرایت او طفل کبک خرام ملاحتی
 کتدجہ حسنی آفت دوران اولوب کیدر
 چکدجہ تیغ چشمی عشاقہ جبرئیل
 تا عرشہ یم جان ایله لرزان اولوب کیدر
 اول کیم چراغ داغ دلن مشعل ایلمز
 ظلمت فضای حشرہ هراسان اولوب کیدر
 اول چشم ترده اشک ندامت که جوش ایدر
 سیلابه ریزد و زخ عصیان اولوب کیدر
 غالب دلکنده شوق مذاق جهان هنوز
 عمرک دیار مرکه شتابان اولوب کیدر



مصحف حسنکده ابرو مد بسم اللهدر
 واقف سر جمالک عارف باللهدر
 تا ازل بیت الحرام عشق عالم سوزدر
 دیر پر نقش دلم اوز که تجلیکاهدر
 نامرادم میل اثمار ایلم بو باغده
 صائمہ دست همتم ای سرو قد کوتاهدر
 شاه استغنا سریر ملک اقبالم ازل
 آستانم بنده بدبختی عز و جاهدر

بوالعجب اول رهنورد عالم فیضم که بن
ریزه ریزه جوهر جانم غبار راهدر
کلستان شعله ورد حسن جاناندر دلم
برك ناچیز کیا هم آفتاب وماهدر
صانمه غالب هاله در ماهی در آغوش ایلین
چرخه بنمش حلقه دود سیاه آهدر



آتش عشقك دلمده هر نه دم پر جوش اولور
دود آهم شعله در زخله هم آغوش اولور
اول قیامت سوز عشقم کیم رك داغ درون
صد هزاران آفتاب محشره سر پوش اولور
زلفیدر اول پرده کیر دیده یعقوب کیم
هر شکنج تارینه بیک ماه کنعان دوش اولور
جام صهای لبکدن نشو و یاب فیض اولان
بایزید اولسه حریم کعبه ده می نوش اولور
بن او مجنونم که غالب سر گذشتم کوش ایدن
حیرتندن عقل فعال اولسه کر بیوش اولور



هر نه دم رفاره کیم اول سروقد آغا ایدر [۱]
 عاشقی جبریل اولورسه پایمال ناز ایدر
 برنکله کفر و ایمانی ویرر یغمایه هب
 چشمی بیلمم دللره نه سحر و نه اعجاز ایدر
 تکه زرین دکل پیراهنده اول مهک
 سینه سنده قرص مهری سحر ایله ابراز ایدر
 دور ایدن کوی دلارا اوزره صامه مرغ جان
 برهادر اول که بام عرشه پرواز ایدر
 کیمسه نظیر ایده من غالب بونظم ایتسه کر
 سامی خوشکو کبی برشاعر ممتاز ایدر



قامت موزون کیم بر مصرع برجسته در
 معنی رنگین لفظ آنده خط نورسته در
 عالم اندیشه باغ معنی الهامدر
 فکر باریک خیالم رشته کلدسته در
 حسرت لعل لبکله غرق اشک دیده یم
 موجه تقدیره پای اختیارم بسته در

[۱] نائلی :

چشم ساحر پیشه سن ساقی که مست انداز ایدر
 هر نگاهن تر جان نکته اعجاز ایدر

شاهد بختم اسیر پستردادباردر
نور نجم طالع رنگ رخ دلخسته در
سامی خوشکویایله غالب مکر هم نشئه‌یم
جام شوقم نون معکوس خط اشکسته در



سینه کیم شعله‌یاب هجر کدر
ساحه ماهتاب هجر کدر
آسمان دلمده ای مه حسن
داغ‌ر آفتاب هجر کدر
دیده‌ده اشک و دلدله سوز فراق
مایه آب و تاب هجر کدر
زخم خون کشته باغ سینه‌مده
غنچه مشک‌ناب هجر کدر
لوح سینه‌م سواد محنت ایله
برمطول کتاب هجر کدر
کان سیاب حسرت اولمشدر
سینه پراضطراب هجر کدر
دور حسنه‌کنده بی تعب غالب
صد حسد کامیاب هجر کدر



نشئه جام لب جانانه یه بیکانه در
 اول دل هوشیار کیم پیمانه یه بیکانه در
 ایلمز سوز و کداز عشق دن عرض کلال
 ناله شکوا فم پروانه یه بیکانه در
 آشنای زلفک اولمز حلقه بند قید و ننگ
 طوق زنجیر خرد دیوانه یه بیکانه در
 تا ازل ظلمتکه ادبار در قصر امل
 شب چراغ فیض بوکاشانه یه بیکانه در
 شغل عارف عیش نوشا نوش اولور غالب مدام
 سبحة طاعت ید مستانه یه بیکانه در



آکلسون اول بلاعهدی که می نوش ایتدیکم دمدر
 غم دنیا و عقبایی فراموش ایتدیکم دمدر
 آکلسون اول زمان شورش آباد انا الحق کیم
 دلی کیف می وحدتله بیهوش ایتدیکم دمدر
 آکلسون اول شب معراج وصلت کیم صفا سندن
 لب ناز و نیازی لال و خاموش ایتدیکم دمدر
 زهی درد علایق سوز مهر عالم وحدت
 که امکان و وجوبی دوش بردوش ایتدیکم دمدر

زهی هنگامه ناز و خطاب لن ترانی کیم
 سراپا کوکلی موسا کبی کوش ایتدیکم دمدر
 قنی اول دور بزم گفتکوی سّر لایسل
 که عقل اولی بر سوزله مدهوش ایتدیکم دمدر
 زمان کریه جانسوز می یادایله ای غالب
 هوای عشق ایله طوفان کبی جوش ایتدیکم دمدر



صورت سّرهیولا مختلف اجزاسی بر
 جنبش نور تجلّا مختلف مجراسی بر
 عالم وحدتده یکساندر مأل کفرودین
 ظاهر احکام اسمّا مختلف معناسی بر
 عالمک معبوده بولمز اعتقادی افتراق
 گفتکوی لا وّا لا مختلف معناسی بر
 سّر انساندر سواد نسخه کبرانی کور
 شکل الفاظی سراپا مختلف معناسی بر
 هیر طبیعت بزم وحدتدن آلور بر کونه فیض
 نشئه جام مصفا مختلف صهباسی بر
 حکمت حقد رظهور هر دو عالمدن مراد
 درنک کونا کون اشیا مختلف مبناسی بر

هر نكهدن دهره غالب سیرجاناندر غرض
آه وضع جان شیدا مختلف سوداسی بر



اول دلکه خط روی دلارایه باغلنور
خیط الشعاع مهر تجلایه باغلنور
صیاد غمزه ك ایلسه قصد شکار جان
اول کمندی کردن عیسایه باغلنور
جام لبك که شعله نثار نشاط اولور
خورشید تار پنبه مینایه باغلنور
جبل المتین عشقه ربط درون ایدن
صدیقدر که عروءه وثقایه باغلنور
غالب اودل که طالب راه نجات اولور
شرع شریف حضرت مولایه باغلنور



سحر چشم شوخنه اعجاز کیم حیران اولور
سوزن عیسی نگاه نازینه پیکان اولور
عرض دیدار ایلدجه اول عزیز مصر ناز
خانه یعقوب چشم یوسفه زندان اولور
کبه کویگده در احرام بند اشتیاق
جامه تندن نه دم کیم جان و دل عریان اولور

متمتع در چشم فتانیدن اخفای مراد
 هر نکمده محرم خلوتسرای جان اولور
 نوبهار باغ یاسم بولسه فیضم نامیه
 تا بمحشر خار خار غنچه حرمان اولور
 سوزش نار کناه عشق ایله آفته در
 قور قورم محشرده دل رنجیده غفران اولور
 نظم شیرینمدر ای غالب که اول آب حیات
 چشمه سار عالم الهامدن حوشان اولور



حر مکاه بقا باللهمده حکم فنا یوقدر
 قدم ملکنده حد ابتدا وانتهای یوقدر
 ازل یکتا ایدی صانمه که خدا آلان کما کاند
 حقیقت آشنایان وجوده ماسوا یوقدر
 خطا در عقل ایله دعوائی درک حکمت عالم
 خدا نیک یوقسه افعالنده ای غافل خطا یوقدر
 سراپا متممیدر حکمت باری یه مخلوقات
 کلستان جهانده بر کیه ناجیا یوقدر
 مرکبدر مواد یأس و غمدن سر تسر دنیا
 ضمیر طینت عالمده اجزای صفا یوقدر

رضا عجز و غرض در منفعت ویر من حقیقتده
رضایه مذهب ارباب همته رضا یوقدر
واران اقصای حسن اعتقاده انحراف ایتمز
تماشا قیل خط محورده غالب انخا یوقدر



ماسوادن قیل کذر دیدار کندین کوستر
عالم اطلاقه عزم ایت یار کندین کوستر
شاهد حسن ایلمز عشاقدن کتم جمال
ابن عمران اول تجلی زار کندین کوستر
حکم توحید استمز غیریده آثار وجود
همدم منصور اولورسک دار کندین کوستر
مانع مقصود کثرتدر طریق عشقه
عزم دار وحدت ایت دیار کندین کوستر
همت اصحاب تمکینه نظر قیل آفتاب
اهل ارضه دائماً سیار کندین کوستر
برزمان بولمز فنا دنیاده ارباب هم
صاحبی محو اولسه ده آثار کندین کوستر
نسخه خطی اوفتوای شهادتدر که دل
باغلتوب کیسوسنه بردار کندین کوستر

عجز و حیرت در عدویہ ایلک افشای راز
 اهل غیرت دائما فخر کنندین کوستر
 اهل استعدادده پنهان قالور می اقتدار
 مثمر اشجاز اوزره برک و بار کنندین کوستر
 استمز اهل صفا رنک حجاب امتحان
 وجه ارباب حیاده عار کنندین کوستر
 صورت فعال اولور مرأت فعلندن عیان
 وجه اشیادن خدا هر بار کنندین کوستر
 نشئه اقبال دنیا به مراد فدر خمار
 هر عقیب جا هده ادبار کنندین کوستر
 متحد در اول قدر عالمده غالب حسن و عشق
 اهل دردی صور سه لر دلدار کنندین کوستر



مظهر نور رسول الله اولان نقشیلرز
 سر مرأت جمال الله اولان نقشیلرز
 پیشوا من پیر من صدیق اعظمدر بزم
 فخر انس و جان ایله همراه اولان نقشیلرز
 سرتسر اشیا اولور انوار مزدن نقشبند
 آسمان فیضه مهر و ماه اولان نقشیلرز

صرف انفاس ایلر ز دائم طریق عشقه
 خانقاه دلدہ وقف آہ اولان نقشیلر ز
 ذکرمز ذکر خفیدر کاهی اما جذبہ دہ
 اہل عشقه نالہ جانکاه اولان نقشیلر ز
 خندہ ایلر اطللس کردونہ چاک خر قہ مز
 عالم معیندہ صاحب جاہ اولان نقشیلر ز
 ایلدک راہ کلال عشقدہ محو وجود
 مسند فقر وقنادہ شاہ اولان نقشیلر ز
 رابطہ بند خلوص سر فیض اللہدن
 روز محشر مظهر دلخواہ اولان نقشیلر ز
 جنت اعلا دہ غالب خالیدین اولسق نولہ
 عاشق نور جمال اللہ اولان نقشیلر ز



تا خاک درک قبلہ حاجات ایدرز بز
 عرش اوزرہ واروب عرض مناجات ایدرز بز
 تاجوہر آیینہ اسرار بطونز
 بیک صورت ایلہ وحدتی اثبات ایدرز بز
 لذت شکن کوثر اولور جام صفامن
 معہ ورہ فردوسی خرابات ایدرز بز

پیکان دعای دل اندوه کشانز
 جبریل صفت عزم سموات ایدرز بز
 بالارو عشق صمدز عرش برینی
 اول قدم همتہ مرقات ایدرز بز
 مشکات ضیا پاش تجلای جمائز
 یک برق ایله تنویر شئونات ایدرز بز
 غالب بز اول شارع وحی آور معنی
 کیم شعر ایله اینار فیوضات ایدرز بز



شوق رویکله نهدم کیم خونچکاندر چشممز
 کویا فواره آتش فشاندر چشممز
 نور مازاغ البصر دن ایلش اخذ ضیا
 فیض بخش دیدہ مهر جهاندر چشممز
 رنگ خوناب جکرله نیجه تاب مهر اولور
 غنجه مشکین کلزار جناندر چشممز
 پرتو دیدار حسنز غرق نور وحدت
 مظهر فیض شهود جاوداندر چشممز
 عرش اعلای رضایی غالب ایتدک نظره گاه
 مردم عین العیون قدسیاندر چشممز



عالم عشق ایدی کوکلم کلدن عالم هنوز
 دله بیک غم وار ایدی خلق اولدن برغم هنوز
 ایلشدی دامن فیض ملائک سجده کاه
 اولدن ترکیب بند ماء وطین آدم هنوز
 بر بت معجز دمک عشقیله دل قیس ایدی
 کلدن دیرو جوده عیسیؑ مریم هنوز
 دخمه کاه عشقی شیونزار قیلمشدی کوکل
 اولدن عالمده پیدا سورایله ماتم هنوز
 محوانوار جمال وحدت عشق ایدی دل
 اولدن سَر ظهوره امرکن منضم هنوز
 صدمه آدایله قیلدم پرتزلزل عالمی
 ساحه کاه سینه ده بنیاد غم محکم هنوز
 بیک بلایه آشنا اولمشدی غالب جان و دل
 روح لر بزم بلایه اولدن محرم هنوز



روی جاناندر چرخ افروز بزم جانم
 مظهر سَر تجلادر دل سوزانم
 بزاویوسف عصمت قدسی ثیابز کیم اولور
 غازه روی ذلیخا لکّه داما نمز

اوله بر دریای خونین بلاد سینه کیم
 پاره پاره دلدر آنده دانه مرجانمز
 بز او ابدالان عشقز عالم معنیده کیم
 شهر جبریل ایله مستور اولور عریانمز
 بارگاه طبعمز دن جند معنی فیض آلور
 مهبط الهامدر غالب مکر دیوانمز



جهان دارالسلام اولسه کوکل یزاردر سنسز
 خیال خواب و راحت دوش فکوره باردر سنسز
 دکدر روح مجنون کشت ایدن دشت ملامتده
 کوکل پهوده ملک محنتی دواردر سنسز
 نوله هر شعله سی ارواح سوز طاق عرش اولسه
 فلکدر جنبش آهمله آتشناردر سنسز
 کلیم لیک سیر مهر رویکدر بکا مقصود
 نگاه رغبت ایتک نخل طوره عاردر سنسز
 صفاسی نشئه عشقکله ظاهر در شئوناتک
 جهان باغ جنان اولسه مغیلا تزاردر سنسز
 غبار پای وصلک توتیای چشم آمال ایت
 بکا هر بر مرده بر میل آتشاردر سنسز

کورنمز صورت جان اولسه چشم غالبه دنیا
دله انوار مرأت قضاژنکاردر سنسز



رند عشقز بز کل خورشیددر پیمانه من [۱]
رشك فردوس ارمدر گوشه میخانه من
اولیه می نوش غم عشقز که ایلر بی صدا
صد هزاران صور اولورسه نعره مستانه من
بز کلیمز تنکه حسن ایجره اما معتکف
شمع خورشید تجلادر چراغ خانه من
بز او مجنونان حکمت سنج دهرز کیم بزم
خیره ساز عقل افلاطون اولور دیوانه من
محض سحر و آفتز عشق ایله غالب سویلسه ك
مست ایدر شخص قضایی شیوه افسانه من



تاب عشق ایله او آتشددر دل ییسودمن [۲]
کیم چراغ افروز محشردر غباردودمن

[۱] فهمیم :

باده عشقز دل مجنوندر پیمانه من
عقل کل اولسه روادرساقی میخانه من

[۲] فهمیم :

شمع خورشید تجلایز که یوقدر دودمن
سایه کیمی اولدی دوده تیره دل مردودمن

دیوان

دهره کلدك ایتمدن اعمال خیاط قدر
قالدی دکان عدمده جامه مقصودمن
کریه ناک حسرت لعل لبز صانمه شفق
سایه صالمش چرخه عکس اشک خون آلودمن
حسرت تر بیک چشم ایله سیررخ جانانه یه
چاک چاک اولسه نوله جسم بلا فرسودمن
آب شمشیر ایله غالب زخمه ایلردوا
جوهر تیغ اجلدر مرهمم بیهودمن



بز بلبل دلسوخته عشق وهوایز
پروانه آتشکده باغ وفایز
ترك ایشیز غائله بود ونبودی
وارسته درد والم خوف ورجایز
بیخود ایدرز پرتومزله مه ومهری
رخسار تجلاده اولان نورخدایز
جبریه ویررسنبلمز نشوئه عصمت
بزکشن قدسی چمن باغ حیایز
بز پرتو عشقز سرارباب هوایه
خورشید صفت شانه زن زلف صفایز

پر شور ایدرز عقل کلی نکمتمزله
کیسوی دلاراده اسر باد صبايز
فرمانده ملک سخنزوحی ايله غالب
خاقان قدر قدرت خیل شعرايز



مجروح تیغ عشقک اولان مرهم استمز
دلکشتکان شهر بلا مانم استمز
دل کیم حریم کعبه عشقک طواف ایدر
خوناب درد حسرت ایچر زمزم استمز
خلوت نشین هجره خیالک انیس اولور
جبریل اولورسه مجلسنه محرم استمز
مخمور بزم عشقه شکسته قدح یتر
مست خراب میکده جام جم استمز
ساردک اوماهی نورنگاه ايله هاله وار
غالب رقیب صائمہ سنی عالم استمز



اهل دل محبت ناجنس ايله شادان اولماز
بزم جهال کبی عارفه زندان اولماز

ایله تحصیل کمال ایتمه فلکدن شکوا
مدت عمری کبی عاقله دوران اولماز
سر تقدیر وقوعات جهاندر نظر ایت
چشم عبرت کبی هیچ آدمه میزان اولماز
مظهر فیض عبودیت اولاندر انسان
یوقسه معنیده کشی شکل ایله انسان اولماز
علم ایسه مقصد اکر عارف نفس اول غالب
کندینی بیلمیان آدم کبی نادان اولماز



ویردی اول رتبه جنون خلقه بلای افلاس
اولدی کویا که جنون دارشفای افلاس
ایلدی عالمی دلسیر نوال ادبار
بارک الله زهی برک ونوای افلاس
اولدی معنی مساوات عمومی ظاهر
شمدی شاهان ایله بردر غریبای افلاس
اوילה برداء عضال اولدی پریشانی حال
قالدی تدبیرده عاجز حکمای افلاس
بویله قالورسه ایدرسامعه دهری شکست
غلغله بخش فلک بانک درای افلاس

نولہ عالمده تہی کیسہ ایسہ ک ای غالب
کلدی اخوان ایلہ ہب طبعہ غنای افلاس



ای سریر عز و نازی زیور دیوان عرش
دولتکدن ارتفاع شان بولور ایوان عرش
ای قیلان تا عالم لاهوتی سرکردان عشق
عهد حسنکدر سنک آرایش دوران عرش
مهر رویکدن بولور عالم ضیای جاودان
آفتاب طلعتکدر شمع نور افشان عرش
اولمسه امید یابوسک مدار تقویت
تا اساسندن تزلزل یاب اولور بنیان عرش
زیران ایتدجکہ غالب اشہب اندیشہ بی
جلوہ الہامہ تنک وتار اولور میدان عرش



عشق کیم ملک دلی درد ایلہ ویران ایلش
ہر تہی کنجندہ یوز بیک کنج پنهان ایلش
عشق کیم مهر رخک قیلش بہار افروز شوق
ہر کل داغ درونم برکستان ایلش

بن او مجنون سیر دشت و حشتم کیم فیض عشق
 خاک را هم سرمه چشم غزالان ایلش
 اول مه کم کشته نك یعقوبیدر دل کیم قضا
 هرته پاینده بیک یوسف نمایان ایلش
 بن سلیمان خیالم غالب احکام قدر
 جند معنیدن بکا ترتیب دیوان ایلش



خدا کیم نسخه کونی ایدوب تنظیم کو سترمش
 کتاب حکمتدن آدمه بر میم کو سترمش
 قضا کیم ابروانك شکل محراب ایلش افلاك
 اولوب خم کشته قامت سجده تکریم کو سترمش
 دل پرداغمه عکس لبك نقش ایلیوب تقدیر
 فضای طورده سر چشمه تسنیم کو سترمش
 جهان حکمتن درج ایلیوب خال سویداده
 خدا بر نقطه ایچره بر غریب اقلیم کو سترمش
 عبث شمشیر چشمتدن تخاشی اول مهك غالب
 جهان تیغ قضایه کردن تسلیم کو سترمش



خدا کیم تاب عصمتله رخك کلرنك کو سترمش
 کلستان حیاده بر مجسم نك کو سترمش

خدا کیم هر صفتله بر تجلی ایلش دهره
 سراپا انفس و آفاقی رنکارنک کوسترمش
 سباق بخت اهل دولتی تصویر ایدن رسام
 سمند خواهشم دشت طلبده لئک کوسترمش
 مقام راحت الارواحدن رامشکر تقدیر
 حریم بزم دلدہ بر غریب آهنگ کوسترمش
 درونم فتنه کاه لشکر مژگان ایدن غالب
 فضای حسن و عشقی پای تاسر جنک کوسترمش



خدنک چشمی صائمہ سینہ زہاددن کچمش
 او بر تیر قضادر کیم دل بولاددن کچمش
 نوله خونین کفناہ جلوہ پرداز اولسه محشرده
 او افتاده ک که تیغ غمزہ جلاددن کچمش
 بن اول بیمار هجرم حسرت تیغ نکاهنگله
 هزاران کرہ جسم خنجر فساددن کچمش
 دلم اول بلبل پروانہ طبع شعلہ پرور کیم
 صفای سوزش هجران ایله فریاددن کچمش
 حسد اول رند عزلت پرور دورانہ عالمده
 که صلح اولمش فلکله داد ایله بیداددن کچمش

ایدر بهزاد عقلی غالباً سر کشته حیرت
اونقش بیستون کیم تیشہ فرهاددن کچمش



شیمہ عالمده انصاف و مروت قلامش
انحراف ایتمش طبیعت استقامت قلامش
صورت احسانی تزع ایتمش هیولادن خدا
نسخه الفاظده معنای همت قلامش
عقل اول مصدر جهل و عناد اولمش مکر
مبدأ فیاضده فیض لطافت قلامش
ایلمش تأسیس الاشکال نشاطی چاک چرخ
تار و مار اولمش دواثر شکل و صورت قلامش
شوره زار ایتمش جهانی شعله نار نفاق
کلشن الفتده آثار طراوت قلامش
دولت دنیادن اعلا ایلمش حق همتم
حمد لله چرخ ناهمواره منت قلامش
بر عجب دورنده یز غالب که بزم عالمک
باده سنده روح یوق جامنده صفوت قلامش



اولنجه رایت افراز ملامت داوراخلاص
اولور عالم سراسر پایمال لشکر اخلاص

خوشادار الجہاد عشق کیم منصور اولور آندہ
 لواء الحمدہمت ذوالفقار حیدراخلاص
 خوشادار السلام عشق کیم یکسان اولور آندہ
 سواد عالم اطلاق دشت کشور اخلاص
 می وحدتہ دل کیم مست اولوب نفی صفات ایلر
 ایدر اثبات فیض نشئہ جان پرور اخلاص
 ضمیرم اول حریم کعبہ وحی و ہدادر کیم
 ایدر جبریل کنج محفلندہ ازبر اخلاص
 دل قدسی نہادم قطب اوج عالم رحمت
 سدیدای درونم آفتاب خاور اخلاص
 سواد ہمتمدن رونمادر عرش استغنا
 چراغ فطرتمدن روشنادر جوہر اخلاص
 او قربان غم عشقم کہ کورسہ ہتم جبریل
 ایدردی رہگذار جانہ فرش شہر اخلاص
 نولہ فیض آورا اطلاق اولورسہ ملک دل غالب
 اولور مستغنی اشکال و اشیا کشور اخلاص
 جناب میر نامق اول سخن پرداز حکمت کیم
 اولور ہر کوہر نظم لطیفی زیور اخلاص

یکانه شاد ملک معرفت در طبعنه شمعی
سزا تقدیر ایدرسه عرض تخت و افسر اخلاص



کلشن خاطرده آثار طراوت قالماش
کلترین باد بلا دو کمش لطافت قالماش
خون دل قیلمش بنای صبر و سامانم خراب
جسمی سیل فنا طوتمش عمارت قالماش
غرق خون اولمش او مجنوم که بن طفل قضا
باشمه بر اورمدق سنک ملامت قالماش

ایتمش استیلا هجوم جیش محتله اجل
تنده حیفا روحه برجای اقامت قالماش
نقد اشکم سوبسو عالمده عشق ایتمش روان
قاضی الحاجاته غالب غیری حاجت قالماش



منجلی اولدجه طور سینه دن دیدار فیض
شعله زار حیرت ایلر عالمی انوار فیض
برق حسنک کیم اولور سیلابه ریز باغ ناز
بیك کل خورشید آچر هر نخله کلزار فیض
مهر رویك کیم اولور پرتوفر و زملک جان
کوستر هر ذره سی بر عالم انوار فیض

رند عشقم مجلس اقبالہ آشفته در
 جام سرشار صفا ساقی کلر خسار فیض
 نو بہار عشقم ابر آہمہ وابستہ در
 رخشش برق تجلا جوشش انہار فیض
 اشکمک ہر موج طوفان باری بردریای عشق
 سینہ مک ہر داغ آتشنا کی برکھسار فیض
 مظہر اسرار کرارم دکل خط الشعاع
 ال و یروب کوکدن بکا خورشید ایدر اقرار فیض
 ہر سوزمدن آیت (استفتحوا) ایلر ظہور
 طبع عالی ہمتدر مشرق آثار فیض
 دورہ عشق ایلہ غالب قطب اوج ہتم
 نقطہ داغ دلمدر مرکز پرکار فیض



بادیہ کردان حسرت قالدی دل ناچار حیف
 ایتمدی رفع حجاب لن ترانی یار حیف
 ایلمز بر تیغ ایلہ بیمار نی جانندن خلاص
 مرحمت قیلمز دلہ اول غمزہ غدار حیف
 عالمی بیزار ایدر کن آہ آہ صبحکاه
 ایتمدی تأثیر بختم اولمدی بیدار حیف

حکم کونی دائما فسخ ایتمده حکم فساد
معنی سلبی مکر ایجاب ایدر اظهار حیف
ایلیوب حسن جهانسوزین تخیل اول مهک
یاندی غالب سرتسر اندیشه و افکار حیف



شعله بار اولدجه نخل کلستان حسن و عشق
آکدیرر طور تجلایی جهان حسن و عشق
حجله کاه عالم ارواحی سیران ایلدم
عرشی طوتمش شورش آتش فشان حسن و عشق
خنده کلله دکل کلشنده آه غدلیب
منتشر در گوشه گوشه داستان حسن و عشق
اتحاد و امتزاج طبع مخلوقات کور
رونمادر سوبسو رازنهان حسن و عشق
مهر رویک داغ دلدن شعله پاش فیض اولور
سینه در مشکات نور آسمان حسن و عشق
خسر و دیوان نظم اقتباس وحی ایله
طبع عالی همتدر ترجان حسن و عشق
نشوه لعلیه غالب خضر عیسی مشربز
زده در فیض حیات جاودان حسن و عشق



عدالتدر مدار انتظام عالم توفیق
 مظلومن اولور لرزنده عرش اعظم توفیق
 خوشا اقبال عالمکیر شرعی کیم صفاسندن
 اولور دنیا و مافیها سراسر خرم توفیق
 خوشا اطوار عدل و داد فاروقی که فیضندن
 اولور تأیید باری هر صدده منضم توفیق
 اوکیم خورشید حکمن شعله پاش باغ عدل ایلر
 اولور مجذوب هر تار شعاعی شبنم توفیق
 اوکیم اندیشه اصلاح ملک ایلر زماننده
 ایدر شکرانه هب وارین نثار مقدم توفیق
 فغان اول فکر ناهموار ظالمندن که ظلمیله
 قالور تاحشره دك سربسته راز مبهم توفیق
 فغان اول رأی نامعقول باطلدن که قهریله
 ایدر دنیا سراپا کوشه کوشه ماتم توفیق
 ایدن سوق مطایا عالم اخلاصی تسخیره
 اولور رایت کش اقبال و بختی رستم توفیق
 ایدن فکر رضاالله اولور هر شاهد رأی
 مه کنعان کبی سلطان عالم همدم توفیق

اسير عشق یم اول شاهد رأيك كه روينده
پريشاندر سراپا طره خم در خم توفيق
نهدم اقبال سير عرش معنى ايلسم غالب
اولور هر شاهد فكر سليم محرم توفيق



غائب ايتش يارى دل حال پريشان كورك [۱]
يوسفي كم كشته دهر ك پير كنعان كورك
پا كدر نورنگاه قدسيان دن دامنى
حجله كاه عصمتك اول ماه كنعان كورك
برق اورر هر ذره سندن نور وحدت شعله وار
آسمان بهجتك اول مهر رخشان كورك
نكھتدن نشوؤ جاويد اولور كروبيان
باغ حسنك اول كل صبرك خندان كورك
خادمى جبريل وساقيسى حبيب اللهدر
بز مكاه حسن وعشق عزت وشان كورك

[۱] نائلى :

بلبل آغلار غنجه نك چاك كريبان كورك
كل شكفته بلبلك بهوده افغان كورك

فهم :

نطق ايدر كن شيوؤ چشم زباندان كورك
خشه كلدكه رموز لطف پنهان كورك

سایه بخش جنت آمال اولور طوبا مثال
 کلهال همتك ازهار واغصان کورك
 غالی سیر ایلک وصف رسول اللهه
 عالمك مستغرق الهام حسان کورك



زخنی یر یر جکرده تیرمژگانك کورك
 مصر دله عدلی اول ماه کنعانك کورك
 نازایله هر خطوده بیك عاشقن ایلر هلاک
 شیوه رفتارین اول سرو خرامانك کورك
 دورایدر وارمش دل عشاق کون سیرایدك
 عرشده جولانی روح شهیدانك کورك
 ایلدم لیلا دیو افلاکی سرکردان عشق
 فیض تأثیر جنونك قیس نالانك کورك
 نور رخساریله سینهمده نه دراول شور زلف
 بیلمیانلر اختلاطن کفر و ایمانك کورك
 غالبك سیر ایلک بوشعر معجز کارینی
 نطق روح افزاسنی عیسی دورانك کورك



کشف اسرار جنون اعجازیدر افکارمک
 سورة سبع المثانی شرحیدر کفتارمک

بر عجب ملک هدادر کیم زمین مصر دل
نقل ایدر هر قطره آبی بر کلیم انهارمک
باغ سینهم کلشن حب علیدرتاازل
هب حسینیدر نواسی عندلیب زارمک
بن او خلاق معانیم که جلد آسمان
بر مسوا ظرفیدر مجموعه آثارمک
ریزه الماس آلور نقاد شهر محتم
داغ حسرت کفه میزانیدر بازارمک
غالب اول صدیق راه هجرتیم کیم عشق ایله
مرغ قدسی بر کبوتر در درنده غارمک



شعله حسرت کلور داغ سرمدن رنک رنک
منجلیدر جوهر عشق افسرمدن رنک رنک
مردم چشم کلیم مالک اعجاز عشق
برق اورر نور تجلی منظرمدن رنک رنک
دوزخ عصیانم اما مظهر نور جمال
شعله رحمت کلور هراخرمدن رنک رنک
بن او صبح آسمان کن فکاتم کیم اولور
باغ ایجاد آفتاب خاورمدن رنک رنک

شمع روی یاره یاندچه دل پروانه عشق
 بیک کل خورشید آچر خا کسترمدن رنك رنك
 خانه دلدن کلور هر صبح آه آتشین
 روشنادر دود حسرت مجمرمدن رنك رنك
 غالب اول صورتکر حسن بیانم کیم چیقار
 نقش معنی خامه فیض آورمدن رنك رنك



نشئه دار باده نور تجلادر کوکل
 صانکه طور اوزره یاتور مستانه موسادر کوکل
 چوقمیدر آینه سر جمال الله ایسه
 صورت شتایی قابل بر هیولادر کوکل
 نور احمددن نمایاندر دلمده فیض عشق
 اول سبیدن اول شه کونینی جویادر کوکل
 برک خشکی مهردر برق جنوندر لانه سی
 آتشین برکستان باغ سودادر کوکل
 فیض انقاس ایله غالب هر کلامه جان ویرر
 فن اعجاز تکلمده مسیحادر کوکل



خورشید جهانتاب رسالتسن افدم
 پرتوفکن اوج نبوتسن افدم

کحل بصر عفت ایدر دودیکگی جبریل
 شمع حرم کعبه عصمتسن افندم
 بر فرد سنک بولدی هیچ قدر بلندک
 تنهارو وحدتکه عزتسن افندم
 هیچ سایه لطفکده اذامی کورر امت
 سن کیم علم افرازشفاعتسن افندم
 پردر در احسانک ایله ساحل آمال
 دریای کهرزای عنایتسن افندم
 بر غالب مذهب می قالور کورمیه احسان
 حقندن که ایکی عالمه رحمتسن افندم



نار عشقم خائمانسوز سحاب وحدتم
 نور حسنم آب و تاب آفتاب وحدتم
 هر شعاع داغ دل بر برق کثرت سوز اولور
 محو عشقم آتش مهر التهاب وحدتم
 ظل انوار کمالدر شئونات قضا
 التهاب آفتاب شعله تاب وحدتم
 ذوقیاب نشئه سیرجام تا ابد
 مردم چشم شهو دم مست خواب وحدتم

جام بزم لی مع الیهیدن اولدم نشه دار
 رند کستاخ الستم کامیاب و حدتم
 اشک چشم عاشقم هم فیض لعل دلبرم
 آب روی عصمتم رنک شراب و حدتم
 ایلدم برجام ایله غالب فدای ماسوا
 فارغ قید جهان مست خراب و حدتم



نه اسیر مطلبم نه کامران همتم
 حمد لله مسترخ امتنان همتم
 اوج استغنائی تسلیم و رضادر مرکز
 مهر عشقم داغسوز آسمان همتم
 عبد محضم خاطر و ارسته در اندیشه دن
 فارغ البال مرادات جهان همتم
 یأس و مطلبدن عبارتدر نهایت حکمتی
 خضر عرفان واقف راز نهان همتم
 دهری قیلدم دور ایدوب کام دو عالمدن کذار
 پیردرگاه رضا کھف الامان همتم
 طوتدی طوفان غنائی ملک طبعم عالمی
 حمد لله صفحه شوی داستان همتم

غالب ایتم کو کلی آزرده یأس و مراد
رند عشقم آفت نام و نشان همتم



دلشید تیغ عشقم کامیاب محشرم [۱]
مظهر لطف خطاب مستطاب محشرم
سوزشیدن آتش سوزان اولور باغ بهشت
نار عشقم شعله صد آفتاب محشرم
اول کنه کارم که نار دوزخ عصیان ایله
دهشت انکیز دل قهر و عتاب محشرم
عالی حشر ایتمه یارب کوستروب قهر و جمال
هم کنه اهل دوزخ هم ثواب محشرم
دوزخ آشام بلای صد بلای دوزختم
اضطراب محشر صد اضطراب محشرم
شقه پاک لواء الحمد لطف احمد
سایبان اهل عصیانم سحاب محشرم
الحذر دستمندن ای کردون دون روز حساب
غالب شوریده طبعم بی حجاب محشرم



[۱] فہیم :
نورحسین باعث صد تف و تاب محشرم
بیچہ تاب آفتاب شعله تاب محشرم

سرتسر داغ داغدر کوکلم [۱]
بوالعجب باغ وراغدر کوکلم
ماه وخورشیدی کم شعاع ایلر
آتشین بر چراغدر کوکلم
روح قدسی یه ایتمز منت
خضر عرفان سراغدر کوکلم
شاه سودا ال اوزره طوتسه روا
بزم عشقه ایاغدر کوکلم
غالب ایتمز بوخا کداندہ قرار
نسر اوج فراغدر کوکلم



عارفم بیت الحرم قلب خرابمدر بنم [۱]
سجده کاه قدسیان خاگ جنابمدر بنم
بن قضا احکام چشم شوخ یاره غمزہ یم
شور محشر شیوہ لطف وعتابمدر بنم

[۱] فہیم :

مرغ کلزار داغدر کوکلم
نغمہ سنج فراغدر کوکلم

[۱] فہیم :

بن دلم چشم بتان جام شرابمدر بنم
غمزہ میخانہ مدہ بر مست خرابمدر بنم

پرتو حسن بتانم جوهر نور ضیا
 صیقل آینه روی حجابمدر بنم
 سورة نور رخن ارواحه تفسیر ایلدم
 مهر صانمه کورینان زرین کتابمدر بنم
 اول محیط عالم عشقم که اشک چشم ایله
 نه قباب چرخ قت قت نه حجابمدر بنم
 بن او مجنون خراباتم که قیس بی دلک
 طاس پر خون سری جام شرابمدر بنم
 طالع عشق ایله طرفه آسمان همتم
 خال رخسار دلارا آفتابمدر بنم
 مست جام محتم افتاده تنور هجر
 گوشه کانون دوزخ جامه خوابمدر بنم
 بن سمندر فطرتیم کیم خوف نیران ایلم
 جنت آمالرزه ناک سوز و تابمدر بنم
 فیض حسن و عشق ایله دلدر که اول بحر بقا
 عالم کون و مکان نقش بر آبمدر بنم
 کور مدکسه ذوق وصلت کامران فرقتز
 دیسه اول مه نوله غالب کامیابمدر بنم



شعله سوز داغ هجران اولدیغم دمدر بودم
 غیرت صد نار نیران اولدیغم دمدر بودم
 ایتمسون دلخسته هجران کوروب درمان مسیح
 عاشقم جانانه پویان اولدیغم دمدر بودم
 شعله آفاق کیرمدن صاقنسون کائنات
 آتشم عشق ایله سوزان اولدیغم دمدر بودم
 خون اشکم لاله رنگ ایتسون فضای عالمی
 حسرت لعلکله کریان اولدیغم دمدر بودم
 شورش عشق ایله نائم یاد اولنسون بر زمان
 قیس عهدم زار و نالان اولدیغم دمدر بودم
 ایلوب اول ماه روی دله ای غالب خیال
 داغسوز مهر رخشان اولدیغم دمدر بودم
 شعرینی رفعت بکک زیب خیال ایتسم سزا
 فیض تنظیر یله شادان اولدیغم دمدر بودم



دلک هر داغک بر مهر رخشان اولدیغن کورسم
 سپهرک آتش رشک ایله سوزان اولدیغن کورسم
 سراپا دود آه آتشینم طوتسه افلاکی
 چراغ بختک برکز فروزان اولدیغن کورسم

دروغم فیضیاب یأس قیلسه بخت وارونم
 سپهرک ظلم وجورندن پشیمان اولدیغن کورسم
 کوروب عالمده ناکام اولدیغ درد محبتله
 رقیقک برزمان عمرنده شادان اولدیغن کورسم
 کوکل هم شعله سیاله دیدار اولوب غالب
 رماد عنصرك محو و پریشان اولدیغن کورسم



ازل بزمنده اڭ اول می صهبانی بن کوردم
 ایچردی دست ساقیدن دل شیدایی بن کوردم
 تجلی دهره دائم برق اوروب غیب و شهود اوزره
 کهی احاکهی اثبات ایدراشیایی بن کوردم
 معرآدر زمین و آسمانی شکل و اشیادن
 خرددر پای تاسر عالم معنایی بن کوردم
 اولوب هر قطره سی صورتمای عالم افلاک
 همیشه مرکزنده دور ایدر دریایی بن کوردم
 وجودی وایه مند نور اولوب فیض تجرددن
 سپهرچارم اوزره ذکر ایدر عیسیایی بن کوردم
 دوشنبه شعله برق تجلا نخل طور اوزره
 ییقلدی حیرتندن مست اولوب موسایی بن کوردم



خطاب عشقی کیم آکٹر کیمکھ سویلشہ لم
 جواب عشقی کیم آکٹر کیمکھ سویلشہ لم
 مالی حکمت سرودوددر یکسر
 کتاب عشقی کیم آکٹر کیمکھ سویلشہ لم
 حروف داغ محبت دلمده قالدی نہان
 حساب عشقی کیم آکٹر کیمکھ سویلشہ لم
 نہ یم دوزخہ بگزر نہ هول جانہ فراق
 عذاب عشقی کیم آکٹر کیمکھ سویلشہ لم
 فراق یارایہ غالب مثال مجنونم
 عقاب عشقی کیم آکٹر کیمکھ سویلشہ لم



نوری طوتمش عالمی مہر تجلا بی نشان
 باغلامش صورت جہان آما ہیولا بی نشان
 ایلمش برطوردہ حسنی تجلی جانہ کیم
 طور نامحسوس حالا جان شیدا بی نشان
 فارغ قید وجودم غرق نور و حدتم
 چشمہ دائم کلور دنیا و عقبای بی نشان
 مخفی اول سراسرارم کہ نفخ صورده
 بن ظہورایتسم اولور عالم سراپا بی نشان

بولدی دیوان بدایت حیف حد انتها
 منتظر در شاهد مقصود حالا بی نشان
 سیف شرع و حد تم حکم ظهور مله اولور
 دعوی* لا بر طرف غوغای آلا بی نشان
 قاف استغنا ده در غالب کمال اشتہار
 شهرتی سیرایله طوتمش دهری عنقا بی نشان



انجندك اوكلروني باقوب چشم ترمدن [۱]
 ای نور بصر سندخی دوشدك نظرمدن
 بارانمی کستانده یاخود لاله خورشید
 خویکرده اولور شرم ایله داغ جکرمدن
 عشق آتشی اول مرتبه کیم دلدہ دکل اشک
 پیکانلری آب اولدی چیقار دیدہ لرمدن
 افسوس اولہ لی آہ ایله ہمراہ محبت
 بیك برق بلا حاصل اولور رهکذرمدن
 طاشلرله دوکوب سینه سکا رخنہ لر آچدم
 ای روح قاچوب باری خلاص اول کدرمدن

[۱] نائلی :

یاقدم دلی آتشلره تاب نظرمدن
 برک کل رخسارکه داغم اثرمدن

اولسم غم عشق ایلہ خوشم یار یولنده
 آسوده قالور خلق جهان درد سرمدن
 صائمہ کون اولور شعلہ خورشید ایلہ هر صبح
 عالم طوتشور آتش آه سحرمدن
 خاک اولدی کوکل قالدی ره عشقه غالب
 هیچ بادوفا سمدی اول سیمبرمدن



مسیحا مایه اعجاز آلور کن اعل نابکدن
 هراساندر دل جبریل چشم پر عتابکدن
 دکل بیهوده صبح روز محشر بویله دورادور
 کر زاندر قیامت خوف تیغ شعلہ تابکدن
 قالوردی تابمحشر دیده خورشید نابینا
 فلک کحل آلمسه روز ازل خاک جنابکدن
 سن اول مه سن که حسن ایلہ تجلی ایلسه کدهره
 سراپا طور اولور عالم شعاع آب وتابکدن
 هوادار سر زلف اولدینغ غالب جهان طویدی
 بیلندی راز سودای درونک یچتا بکدن



قضا آشوب دهری چشم جانامدن او کزنسون
 قیامت فتنه بی اول شوخ فتانمدن او کزنسون

کمال حسنی کلر اول کل نازمده سیر ایتسون
 هزاران سوزش فریادی افغانمدن او کرسون
 آقان هر قطره اشکمه بیک طوفان اولور پیدا
 خروش وجوشی دریاچشم کریانمدن او کرسون
 ایدر هر کم شراندن هزاران مهر و ماه اظهار
 فلک سوز و کدازی داغ هجرانمدن او کرسون
 سراپا سحرایله غالب سوزین سلك اللال ایلر
 نظامی نظمی طبع کوهر افشانمدن او کرسون



سبق آموزا سرار جنون اول چشم پر کودن
 حدیث سرگذشت قیسی کل کوشایله آهودن
 کورک عکس بیاض دیده عشاقی زلفنده
 ویرد فیض بهار حسنی نسرین شاخ شبودن
 کوریدی پر تو حسنک سنک ای مهر عالمتاب
 دوشردی ماه کنعان شرمایله چشم ترازودن
 دوز فواره وش هر حلقه سنده بیک دل کریان
 خروشه باشلسه کرداب سودا چین کیسودن
 وصال کعبه مقصود ویرمز نشئه متله
 اولور آزرده پاییک هوس فرط تکاپودن

نظر قیل دیدۀ سیرتله مرآت شئوناته
هویدادر سراپا صورت دلدار هر سودن
خیال ایتدکجه بسملکاه عشقن دلدۀ ای غالب
تلاطم ریزا ولور خون شهادت هر سرمودن



ترك جان ایت طوت ره جانانی جانك طویمسون
عشق ایله محو اول وجود ناتوانك طویمسون
عالمی سوز نهاندن سرتسر هم ناره یاق
هم ینه عالم سنك سوز نهانك طویمسون
قوت جان ایتسون همالر استخوانك دهرده
قالسون اصلا نشانك استخوانك طویمسون
کفتکوی عشق ایله طولدر جهانی سرتسر
هر سوزك برداستان اولسون زبانك طویمسون
عالمی دور ایله غالب هر سحر مانند مهر
عالم اما حال سیر بی نشانك طویمسون



یوق هوای زلف ایله آرامی پیچ وتابدن
خوغم اولدر فلک دل قورتلیه کردابدن
نوردر سیمین تی کیم رشته پیراهنی
فرق اولنمز تار و پود شعله مهتابدن

خاکساران تواضع دائم اهل قدر اولور
ایله استشراب بومعناى پاکی آبدن
اهل دل ویرمز زوال دولت دهره وجود
منفهمدر سلب اشیا معنی ایجابدن
لوح احکام قضای سرتسر سیر ایلدم
فارغ اولم نیلیم اماینه اسبابدن
لرزه ناکم شویله تأثیر تب هجرا یله کیم
طینتم ترکیب اولنش کویا سیما بدن
قالدی حسرت دیده لر مهر مرادم کورمکه
برزمان بحتم دکل بیدار غالب خوابدن



نوله کلفنجه مهر اولسه زیب شیشه مجنون
کلستان خلیل اللهدر اندیشه مجنون
ایدردی هر نهیه باقسه تماشا روی لیلایی
بیابان کشتی هجرا یدی صانمه بیشه مجنون
دکل ممدود اولان خیط الشعاع مهر افلاک
اولور پیوسته عرشه آه آتش ریشه مجنون
ایدردی خامه ثبت حکمة الاشراق افلاطون
چکیدی دسته کردسته چوب تیشه مجنون

خیالم شعله زار باغ طور اولسه نوله غالب
کلهستان خلیل الله در اندیشه مجنون



مرغ کلشن سوز عشق اول آشیانک قالمسون
عالم بالایه پرواز ایت نشانک قالمسون
عشق ایله محو ایله جرم و طاعتک تاروز حشر
کفه میزانه بر بار کرانک قالمسون
آرزوی وصل ایله جسمک نزار ایت شو یله کیم
بار حسرت چکمکه تاب و توانک قالمسون
محو اولوب قیل سوزش عشق ایله فصل مدعا
عالم فردایه بحث و امتحانک قالمسون
تیغ جورایه هلاک ایت هر نفس آماده یم
ای قضا بر جان ایچون تا امتنانک قالمسون
نعت حسن شو یله اعجاز ایله کیم تا حشره دک
شیوه کفتاردن غالب زبانک قالمسون



دل چکر هجرک دخی رویک تماشا ایتمدن
چشم موسارؤیت نور تجلا ایتمدن
باده عشق ایله مست اولمش یاتوردی جان و دل
ساقی دوران بو بزمی تامهیا ایتمدن

شوق خالکله یتشیردم نیچه بیک داغ بن
 باغ دهرایچره قضا بر لاله پیدا ایتمدن
 نقش نامک منشی تقدیر یازمشدی دله
 لوح محفوظه قلم تاوضع امضا ایتمدن
 طورمه ای غالب کذارایت سیل سودادن صقین
 کثرت ابر بلا اول سیلی دریا ایتمدن



مست عشقم باده سرشار بتسون بتسون
 بن خموشم صحبت اخیار بتسون بتسون
 نامرادی در مرادم تا ازل بو باغده
 وردوخار دولت وادبار بتسون بتسون
 ایلدم بن خانقاه دله اکمال اصول
 کردش کردون بدکردار بتسون بتسون
 عندلیم بر کله اغیاردن آسوده حال
 کلشن عالمده ورد و خار بتسون بتسون
 نعت حسن اول بتک نظم ایله غالب حشره دک
 واردات عالم افکار بتسون بتسون



مدعا ایقاظ چشم خفته در زار اولمدن
 چاره در درد دله مقصود ناچار اولمدن

فیض ابر عشق ایله اول پرورشیاب درون
 کوهر دلدر غرض دریای زخار اولمدن
 تاب مهر یأس ایله اولادر افنای وجود
 زیر ظل نخله دولتمه ییزار اولمدن
 عارف حق کوی اولان حتی بیان ایلمدم
 اجتناب ایتمز ابد منصور بردار اولمدن
 جستجوی کامده غالب نوله ناکام ایسه ک
 چاره در درد دله مقصود ناچار اولمدن



باغ عشقك اوله لی كلشن مأوای جنون [۱]
 فرق افلا که دوشر سایه طوبای جنون
 ویرسه آشوب قداك سلسله عشقه رواج
 ملك اطلاقه چیقیر شورش سودای جنون
 حبذا عالم سودای محبت که اولور
 هر کمین گوشه سی بر محشر غوغای جنون

[۱] نائلی :

اوله لی زلفکه هم سلسله سودای جنون
 اولدی رشك آور زنجیر خردپای جنون
 فهیم :

عقله ابتدی شبیخون ینه سودای جنون
 طوتدی ملك خردی شورش غوغای جنون

جبذا بزم طربگاه ملامت که ویر
 زهرجام خردی نشئه صهبای جنون
 اویله شوریده سرم کچسه خیالک دلدن
 طولاشور پاینه صد بندبلا یای جنون
 اولده مجنون غم عشقک اولور قیس مثال
 تیغ چشمکدن اکر اولسه پروای جنون
 وارهیم درد و غم هجرایله ملک عشقه
 ایدهیم لشکر سودا ایله یغمای جنون
 عالم عشق و ملامت دل دیوانه مدر
 قول و فعل ایله بنم صورت و معنای جنون
 اویله سرمست خرد دشمن عشقم که بکا
 عقل کل کلسه ایدر شمدی مدارای جنون
 وارث فیض کمالات دل مجنونم
 منکشفدر بکا اسرار خفایای جنون
 سوزلرم کوهر کنجینه شور و سودا
 جوهرم ماحصل عالم بالای جنون
 صیت زنجیر دکل پای خرامده بنم
 دل ایدر حسرت ایله ناله شکوای جنون

دل کستاخ دکل بویله قالورسه طوری
 شاهد عصمت اولور عشق ایله رسوای جنون
 دامن حشره اوزارسه نوله بحث زلفی
 اولدی هر عقده سی بر سر معمای جنون
 بن اولور سم غم حشر تله قالور ای غالب
 حشره دک دهرده آشفته بلایای جنون



ایتمیز امید همت جنبش افلا کدن
 ناز پرورد نعیمز عالم ادرا کدن
 جوهر نور محبتدر اساسی عالمک
 ایلدم تحقیق ماهیت دل غمنا کدن
 ایتمز اکدار جهانندن دل قبول انفعال
 جوهرم وارسته در اجزای آب و خاکدن
 عشقمک بیلمز لسان اول سایمان جمال
 اولسه نامه شاهبال هد هد چالا کدن
 نشئه عشقکله دل کریان ایدی روز ازل
 اشک چشمم جوش ایدر حالا نهال تا کدن
 خانمانسوز وجودم بر عجب عالمده کیم
 فربولور خورشید دود شعله خاشا کدن

غالب ایلمر عالمی برق تجلّا رنك رنك
داغلاړ اولدجه ظاهر سینۀ صد چا كدن



آتش کیسلور کچسه صبا کاشنمزدن
اخگر کل اولور بولسه صفا کاشنمزدن
دلدرکه اوبیت الشرف نور تجلّا
خورشید بولور فیض ضیا روزنمزدن
بز رهرو حیرتسکده بزم وصالز
نقدینه جاندر دو کیلان دامنمزدن
بز خوشه بر مزرعه دشت جلالز
بیك برق بلا حاصل اولور خرممزدن
قیاسق نوله دنیایی غنی شعر ایله غالب
کوهر صاحبیلور خامۀ معجز فتمزدن



یارب بنی آزاده درد و کدر ایتمه
هر مویمی جان ودله برنیشتر ایتمه
بر بشقه تجلی ایله قیل کوکلی خوشحال
مقصود می موقوف قضا و قدر ایتمه
افتاده ایسهك شعله دیدارینه ای دل
پروانه صفت کندیگی محوایت حذر ایتمه

شهباز دلاک همروش آه درون ایت
 تاغرشه چیققر شوق ایله محتاج پرایتمه
 منظور خدا در دل ارباب محبت
 ای خواجه صقین عاشقه سن کج نظر ایتمه
 غالب غم غیرتله دل و جانگی محوایت
 تادرد دلکدن دلگی باخبر ایتمه



خانه زاد درد عشقز سینه مسکندر بزه [۱]
 زخم سرتاپا سواد تنده روزندر بزه
 بز کلیم طور عشقز مظهر نور جمال
 هر شرار داغ دل بر نار ایمندر بزه
 بز مسیح لامکان سیرز عوالمندن جدا
 تار و پود شعله خورشید سوزندر بزه
 واقف فیض لب مشکین خطانز تا ازل
 آب حیوان هر سواد شبنده روشندر بزه
 عارف راز آشنای دخمه کاه حسرتز
 خنده عالم سراپا آه شیوندر بزه

[۱] فهم :

غفجه آتش نسیمز آب دشمندر بزه
 بابل پروانه طبعز شعله کاشندر بزه

برکل آتش نسیمك شعله زاریدر کوکل
 کیم شعاع مهر محشر آب کلشندر بزه
 خرقه پوش وحدت اول تکیه حکمتده کیم
 موج دریای حوادث چین دامندر بزه
 کاربان سالار نقد دانشز اول یرده کیم
 صورت آینه ادراک رهنذر بزه
 اول قدر یحاصلز غالب بووحشت زارده
 شعله چشم غزالان برق خرمندر بزه



ذره لرسیرتده مهر عالم آرادر بزه
 واقف ماهیتز هر قطره دریادر بزه
 مظهر فیض تجلادر سراپا کائنات
 عالمک هر ذره سی برطور سینادر بزه
 بزکلم طور عشقز محوانوار جمال
 شاهد و مشهود اولان مهر تجلادر بزه
 نشئه پیرای حیاتز نفخه تکریمدن
 بی تکلف هر نفس اعجاز عیسادر بزه
 منجلیدر سمرزدن پرتو حسن قدیم
 عشق صورت نفخ رحمانی هیولادر بزه

فارغز خوف ورجای دوزخ و جناندن
 درد دل سرمایه دنیا و عقبادر بزه
 متحد در عالم وحدتده حکم کفرودین
 لا والّا شیوه آثار اسما در بزه
 سجده آرایز مقام ثم وجه اللهده
 عالمک هر جانی بیت معلادر بزه
 سیر معراج ایلرز فیض صلات ایله مدام
 هر شب تاریک غالب شام اسرادر بزه



باغ عشرت طور سینادر شب مهتابده
 جام می ق تجلادر شب مهتابده
 عالمی مبهوت ایدر اعجاز فیض جام ایله
 دست ساقی دست موسادر شب مهتابده
 مهر حسن یوسف ایلر هیئتندن التماع
 نخل کل عین زلیخادر شب مهتابده
 عکس کلدن برق اورر اشکنده فیض جاودان
 چشم بلبل جام صهادر شب مهتابده
 جلوه کاه ایلر لب دریایی هر حور جمال
 سرو سیمین نخل طوبادر شب مهتابده

صورت مهر جمال یاری ایلر آشکار
 دهر مرآت مجلاد در شب مهتابده
 آسمانه نازاید در فیض لطافتدن زمین
 هر کلی بر نجم غرّادر شب مهتابده
 عکس مژگانم دکل سنبلده رضوان بهشت
 شانه کیر زلف حورادر شب مهتابده
 ترکسی سیرایله غالب اقتباس نورایله
 کلشنه چشم تماشادر شب مهتابده



آفرین اول شوخ نازك قوهٔ تقریرینه
 رشك ایدر سبع المثانی شیوهٔ تعبیرینه
 آفرین اول غمزهٔ نك حکم قضا تأثیرینه
 التجا ایلر ملائك سایهٔ شمشیرینه
 مبتلای حسنیندر اول مهر رویك کیم کوکل
 روح قدسی نقش بند عشق اولور تصویرینه
 اول حریف بزم عشقم کیم جمیع اختران
 آهمنک پروانه در بر شعلهٔ شبگیرینه
 کامیاب اول منت کام ایلر غالب فلک
 باب احسان جناب حیدرک دلسیرینه



عكس مردم کیم دوشراول روی پر نور اوستنه
 روح موسادر چیقصد شوق ایه طور اوستنه
 موج پاش عشق اولور خال سویدا جسممه
 قطره غالبدر عجب دریای پر شور اوستنه
 بن اوکریان جهان سوز بلایم کیم بنم
 خنده لر ایلر فغانم نفیخته صور اوستنه
 نور ذوق کریه دن ایلر جهانی رشک طور
 ایلسه بختم تجلی ماتم وسور اوستنه
 جسم زار مده دکادر پنجه شوخ نکاه
 صورت شیر ژیاندر سینّه مور اوستنه
 اول انا الحق کوی تو حیدم که شور زلف ایه
 دارمه بردار اولور منصور منصور اوستنه
 میر حالت ایلسه تحسین غالب فخر ایه
 وضع ایدردم شعر می تا بیت معمور اوستنه



حسن و عشقی جمع و قلب ایتدک مال قلب ایه
 واقف سّر قضایز بز کمال قلب ایه
 شعله سندن سرتسر یخود اولور کر و بیان
 ایلسه ک عرشه توجه کر جمال قلب ایه

بر شررله استسهك دنیایی سوزان ایلرز
 برق ابرکن فکانز بز جلال قاب ایله
 صانمه کیم کردون اولور بیموده هر شب فروه پوش
 دهری شیونکار قیلدق هب ملال قلب ایله
 ظلمز غالب مدار جنبش ارواحدر
 سایبان عالم قدسز نهال قلب ایله



فکروصل نکار وار دلدہ
 بر محال انتظار وار دلدہ
 حسنه جبرئیل اولور حیران
 اویله بر شوق یار وار دلدہ
 خاتمان سوز دهر اولور خوغم
 بر مشوش شرار وار دلدہ
 شوق خالکله داغ داغ اوله لی
 فیض لطف بهار وار دلدہ
 غرق سیلاب خون اولور چشم
 قانلی بر جویبار وار دلدہ
 کوردیکم شوخه مائلم غالب
 بر غریب اضطرار وار دلدہ



عاقل اولدر کیم کچر آتامی حسن حاله
ایلز سرمست کندين نشئه اقباله
آدم اولدر کیم ایدوب تحصیل علم و معرفت
مجلسن تلویث قیلمز صحبت جهاله
ترجمان رازیدر نقش و جوهی عالمک
حالی هر کس بیان ایلر لسان حاله
کسب فیض آدمیتدر کرک هر آدمه
سر انسانیته کلمز شرف امواله
شیوه تدبیر در اسباب نیل هر مراد
منزل مقصوده وارمز کیمسه هیچ اهاالله
کردش کردونه قیل عبرته ای غالب نظر
عمرین اتلاف ایلر اولده دورماه وساله



اهل همت چرخه پامال اولمامش اولمزینه
دلفریب بنحت و اقبال اولمامش اولمزینه
عارف معنا ايسه ک قیلمه تهالک عالمه
ملک دنیا کیمسه یه مال اولمامش اولمزینه
بیکراندر او یله ملک آرزو کیم هیچ کس
واصل سرحد آمال اولمامش اولمزینه

حکمت افلاک ایله اوغراسمه افلاطون ایسه ک
 بونجه دمدر دفع اشکال اولماش اولمزینه
 نعت حسنن سویلسون بابل کی غالب مدام
 مرغ قدسی بر زمان لال اولماش اولمزینه



خط نوخیز گلش روی آله اینجه دن اینجه
 ینه خورشید یوز طوتمش زواله اینجه دن اینجه
 ایدردم جامه خواب نازده بر بوسه یه جرأت
 اگر قالقشمسه چشمی سواله اینجه دن اینجه
 قیل قرقه یارار اوستاد طبع نکته پردازم
 میان هر نهدم آسم خیاله اینجه دن اینجه
 دهان تنکیدر وار ایسه کراول نقطه موهوم
 کآلور ارباب حکمت آنی قاله اینجه دن اینجه
 ایدوب تار بیانی حده اعجازدن امرار
 کیرشدک غالبا عرض کاله اینجه دن اینجه



عشق کیم شمع حر مکاه صفات ایلر بنی
 لمعه لمعه محو ایدوب ایصال ذات ایلر بنی
 بن او اسم اعظم کیم منشی دیوان صنع
 زیب منشور حروف عالیات ایلر بنی

بن اور روح الروح قدسم کیم حکیم لایزال
 منبع فیض حیات کائنات ایلر بنی
 نشئه مند بزم اطلاقم او جام عشقندن
 کیم رهایاب قیود شش جهات ایلر بنی
 آیت (لاتقنطوا) یم مصحف غفرانده
 اهل محشر حجت راه نجات ایلر بنی
 طاق ابرویم جبین حسن یاره قدسیان
 کعبه علیاده محراب صلات ایلر بنی
 کوهر بحر خفایم غالب امواج ظهور
 جلوه ساز ساحل ذات وصفات ایلر بنی



ایلسه تأثیر دوزخ نار هجرانک کبی
 اهل محشر محو اولور عشاق نالانک کبی
 عالم علوی یه ایله حکم شمشیرک روان
 نشوه یاب ایت خضر و عیسیای شهیدانک کبی
 کهکشان صامه فلک سیر ایلینجه عصمتک
 سینهن چاک ایش حیرتله دامانک کبی
 قیل سمند نازک عرش و سمانی جلوه کاه
 مهر و ماهی ایله غلطان کوی چوکانک کبی

منبع فیض خدادار غالب ایتمه اشتباه
بر طبیعت اوله مز طبع سخندانک کبی



پایمال اولسون فلک حسرتله دامانم کبی
کهکشانش چاک چاک ایتسون کریبانم کبی
بولسون شیرازه جمعیت اجزای سپهر
تارومار اولسون بنم حال بریشانم کبی
عصر یوسفله زمان کربلائی سیر ایدن
کورمدی بر دور ماتم عهد دورانم کبی
عشق ایله ازل اضطراب آلود هجرم کیم بلا
مبضر بدر اقترا نمدن دل و جانم کبی
معنی خون جگر له الهه غالب کلک تر
منبع جوی بلادر چشم کریانم کبی



باده کیم مجلس طراز عید در هر قطره سی [۱]
شهر صومه باعث تهدید در هر قطره سی

[۱] نائلی :

باده کیم داغ دل امید در هر قطره سی
می دکل برق قضا تا کید در هر قطره سی

باده کیم جوهر کداز عالم ادرا کدر
 آفت صد دوده خورشید در هر قطره سی
 ساقیا صون شول می دل مردکان عشقه کیم
 روح جسم مجلس جمشید در هر قطره سی
 ساقیا صون شول می دل خستکان عشقه کیم
 خنده ریز نشئه جاوید در هر قطره سی
 باده اشکم که ایلر عرض کلرنک فراغ
 کوهر کنجینه تجرید در هر قطره سی
 نشئه مند وحدت اول آتشین میدان ازل
 شعله پاش عالم توحید در هر قطره سی
 غمره مستز اول می تحقیق دن غالب مدام
 خاتمان سوز دل تقلید در هر قطره سی



ایلان موقوف تأثیر نیاز آمالی
 شیوه حیرتله لال ایتمش لسان حامی
 تهمت عشقیله طولمز سه خدا روز حساب
 چاک چاک ایتسون ملانک نامه اعمالی
 آب و تاب حسننی بر ذره استدلال ایدر
 سیر ایدنلر آتشین داغمله اشک آلمی

خنجره ال صومدن نازیله قتلدر مراد
ایله یارب تهی بویولده استدلالمی
برغریب آشفته‌یم زلفنده در جمعیم
ای صبا لطف‌ایت پریشان‌ایله احوالمی
بربتک نقش آور دیداریدر کیم لوح دل
کائنات ایلر پرستش سیر ایدوب تمثالمی
ایلدم جان ویرمه که کوینده غالب عزم راه
منزل مقصوده ایر کورسون خدا اقبالمی



نامام غزلیات

منجلی اولدقجه طور سینه دن دیدار فیض
شعله زار حیرت ایلر عالمی انوار فیض
نظم شیرینده صامه جابجا مضمون رخ
صفحه آب اوزره خامه طرح ایدر کلزار فیض
شوق اوصاف خط کله غرق نور اولمش قلم
نوبهار آچمش مکر نخل تجلیزار فیض



کرچه کیم صدداغ ظاهر در دل مکسوردن
روشنادر سینه اما دخمه کاه سوردن
فرش پای اولمز او یوسف حسنه خیاط قضا
نسج دیبا ایلسه مد نکاه حوردن
داغ داغ ایتمه دلک اندیشه فردا ایله
فارغ اول غالب عبث بو فکرنا محسوردن



آزردہ درون ایتہ بزى تڪ ستمكله
دشمنلری وار واصل کام ایت کرمكله
میل ایلز اصحاب هنر لاف و کزافه
ماهیتکی وارا یسه بیلدیر قلمكله
دولتده اولور اهل هنر طفل ایه مقبول
فخار ایه كُ اللهله سویلش قدمكله

قطعات

لطف ایت بنی آزرده نازایله یارب
مقصود می موقوف نیاز ایله یارب
دنیاده بکا لطفگی بذل ایله کاهی
عقباده دلم معتب آز ایله یارب



یارب بنی سن نطق ایله موسای کمال ایت
مجموعه می سرنسخه اعجاز خیال ایت
مضمون خط یارایله ویرشعرمه رونق
هر یتیمی برطور تجلای جمال ایت



عندلیب روضه حب رسول اکرم
اشک چشم آب روی کائنات ایلر بنی
نعت کوی فخر کونینم که غالب شیوه ده
فیض مدحی غرق نور معجزات ایلر بنی



تابکی محنت درد هجران
قالمسون محشره یارب درمان

یاقدی جان ودلی نارحسرت
آه شوقاً للقاء الاخوان



رزق ایچون مؤمن وکافر آرمه [۱]
برکلور نعمت حق عم نوال
سعی وتدبیر کرک هرکاره
بویله در حکمت حق جل جلال



خدا مایوس قیلمه کوکلی اقبال ملتن
خبردار ایله رحمان اسمنی احوال ملتن
اولوب مجروح، پیکان قضادن طائر دولت
دمادم خون آقر چشم کبی شهبال ملتن



[۱] ۸ جمادی الاولی ۱۳۱۹ ده هر سکی عارف حکمت
بکله ملاقاتم زده « سز، محب حکمتسکز. حکیمانہ برقطعه سویلدم،
اوقویهیم، دیدی. بوقطعه بی اوقودی که خط دستیلله مصحح
ومذیل اولان دیواننده ده مندر جدر. حکمت بک، دیگر ذاتک
اثرینی فصب ایتک شائبه سندن معری برمرد حق شناس اولسنه
نظراً قطعه نك دیوانچه غالبه نه صورتله داخل اولدیفنی کشف
ایده مدم. م. ک

قالوب نفیٰ معجز کودن اور نک سخن محلول
هنر مندان روم اولمشدی هر بر عصرده طالب
ایدنجه شمدی دعوا طبع اول جاہ معلانی
دیدى حکام دیوان قضا الحکم للغالاب



فلاطون درس او قور استاد طبع ذوقنومدن
خرد سرمایۀ آداب آلور طور جنونمدن
بنم عالمده اول ناکام عالی نجم و طالع کیم
فلک فیض اکتساب اعتلادر بخت دونمدن



اولوب راه عشقنده محو و هوا
قیود جهانندن دل اولدی رها
جلال خدایه بز آینه یز
قضایه قضایز بلایه بلا



جوهر آینه نور خدادر صورتم
روشنادر اهل طبعه صورتمدن سیرتم
نسخۀ کبرای فطرتدر وجودم تا ازل
کوستر بر عالم حکمت مکمل هیتم



مطالع

ای که هجر کله جهان بر جای ماتمدر بکا
هر هلالی عالمک ماه محرمدر بکا



مبتلای عشق اولان البته جانان آرار
بویله در قانون حق درد اهلی درمان آرار



منطبع خاطرده لعلک جان شیدا بی خبر
شکرستان اولدی دل طوطی کویا بی خبر



اسرار عشقی درد ایله بهوش اولان بیلور
الته کیف باده بی سر خوش اولان بیلور



شعاع مهر محبت یوزگدن ایتدی ظهور
سواد خط رخکدر مال آیت نور



خوناب دل که درد ایله جوشان اولوب کیدر
کلکونه زیب دشت و بیابان اولوب کیدر



طور میوب نی کبی ایگلر کوکلم
هم دونوب کندینی دیگلر کوکلم



شاه عشقم بن بیابان جنوندر ملکتم
تاروماری خرددر انتظام دولتم



اسیر دام غربت ببلل اشکسته شهبالم
جدایم آشیامدن غریب آشفته احوالم



بزم وارسته ایام عالم بر زمان اولسه
مقام وصل اولور یار ایله داثم بر جهان اولسه



عشق کیم جوی کلستان صفات ایلر بی
قطره قطره واصل دریای ذات ایلر بی



مفردات

عجب بر بحر پر امواج در اشکم که او ستند
دو نر کشتی شاهان گاه پیدا گاه ناپیدا



اوبد بختم که کوش ایتسه قدوم طفل مقصودم
اولور ارواح یکسر نابدید اشباح ناپیدا



مست صهبای الستم عزت و ذلت ندر
برکلور دهرک سراپا کوه و هامونی بکا



کل مجموعه اشعارینه دنیا اولور طالب
هزار باغ عشق احمدیدر مصطفی غالب



زمان کربلای محنتی یاد ایله ای غالب
فدای عشق اولوب دنیایی کریان ایتدیکم دمدر



اهل همت سوزی پامال اولمز
کُرما وعدینی انجاماز ایلر



اوکیم حکمن سلیمان سریر عدل و داد ایلر
اولور شایسته انکشت قدری خاتم توفیق



مادر ذیشانمہ اخطار نام و شکل ایچون
غالب ایتدم کوندروب رسم بیان اشتیاق



ایدوب افنای کثرت شعلہ برق تجلادن
وجودم وحدت مطلق مکانم لامکان اولسه



زهر در عاقل ایسه ک اولمه میه افتاده
اوله یملہ اوله یم بر یازیلور املاده



غالبندن ایلز مولا دریغ مرحمت
مظهر عمر مدیدز فرط رشد و عقل ایله



می و محبوب ایله کل ذوق و صفادن کچہ لم
بوصفالر بزی بیك درده گرفتار ایتدی



مصراع

مانع رزق اولانك رزقنى مولا كسون



لسانه كليان برهان وجدانى معطلدر



تاریخ

زهى عزت ايكي شهزاده سنت اولدى بركونده



نه بالا جسر والادر صراط مستقيم استنه



مقرون لطف عمر ایده ربم قدومنى



سقف مرفوعنه يازلسه بجا تاريخم

بيت معمورى بنا ایلدی کامل پاشا [۱]



[۱] صدراسبق يوسف کامل باشا مرحومك وزنه جيلرده کی

قوناغی ایچون سویلنمشدر .

تاریخ آتی ده رجائی زاده اکرم بك مرحومکدر :

اوقویان غائب ایدوب هر دوسراپی کوزدن

جای والاده بهین اولدی بودولتخانه

۱۲۸۱

یتمش ایکیده طوغدی محمد بسالتم [۱]



طوغدی یتمش درت ایچنده عایشه م [۱]



[۱] غالب بك ، اوغلیله قیزینه سـویلدیکی بوتاریخلرك
کنارینه شویله اشارت ایتشدرد: « مصراع ، لفظی ایتسه ده بیتك
حساباتی جمع ایله تفریق اولندیفی حالدده کوزل ایکی تاریغ جیقار » .

غزل

عالمی دورایتسہدہ زاهد جهان پیمای عشق [۱]
مرکز قلب محبتدرینہ مأوای عشق
آشنادر شاہد وحدتسرای دیگرہ
بیت معمور محبت اولسہ چوقی جای عشق
نیش وزہرہ بای عیش ونوش اولورہر قطرہ سی
بزم ذوقہ متصلدر وارايسہ مینای عشق
بویلہ خاموش اولہ ای کل غنچہ رعنا کی
تابصبح افغان ایلر بلبل شیدای عشق
شیوہ رفتارکی سیر ایلان حیران اولور
قامتکدر ای پری سروچمن آرای عشق
سّررویک فہم ایدرمی غالباً ہر کج نظر
نقطہ خال سیہدہ کز لیدر معنای عشق



[۱] تذکرہ فطین دن نقل اولندی .

تخمیس مصراع فصولی [۱]

بر زمان کورمدی هیچ روی صفا دیده لرم
 کجی ایواہ بتون آہلہ شام و سحر
 اولدی آتشکدہ درد و بلا شمدی یرم
 قالمدی آہ جکرسوز ایله تندن اثرم
 « نیجه آہ ایلم آہ یانقدر جکرم »
 باشمی آشدی چیقوب کوکلره درد و آلام
 ایدہم کیمسہ یہ بروجهله حالم افہام
 کوزمه اولدی بنم ایکی جهان شمدی حرام
 قومدک آہ فلک رند کوکلده آرام
 « نیجه آہ ایلم آہ یانقدر جکرم »
 جکرم جان و دلم جسم نزارم یاندی
 یورہ کم اشک ترم دیدہ زارم یاندی

[۱] داخلہ ناظر اسبقی دانش بک افندی ، مشیرشا کرپاشا
 مرحومک اناطولی مفتشلکی ہنکامندہ ہیئت تفتیشیہ برنجی
 مأمور لقیلہ وانہ عزیمتندہ - غالب بک مرحومہ قرابتی جہتیلہ -
 بوتخمیس ایله آتیدہ کی ایکی غزل وان بلدیہ رئیس غالب پاشا طرفندن
 اعطا و دانش بک جابندندن دہ بڑہ اہدا قلمشدر .

طوتشوب آه شرربارایله دارم یاندی
 اثرم قالمدی هب آتسه وارم یاندی
 « نیجه آه ایلم آه یانقدر جکرم »
 سکا افتاده اولان کوکلی بردم بوله مم
 تیرچشمک حرم سینه یه محرم بوله مم
 درد و محنت کبی هیچ کندیمه همدم بوله مم
 جکرم داغنه بروجله مرهم بوله مم
 « نیجه آه ایلم آه یانقدر جکرم »
 بکادشمن اوله نک دشمنی الله اولسون
 جانی یانسون دوزخیلرایله همراه اولسون
 ایشی عالمده بتون ناله جانکاه اولسون
 ای کوکل خانه سنک ییقمی برآه اولسون
 « نیجه آه ایلم آه یانقدر جکرم »



چشم مخمورک سوزوب براضطراب ایتدک بنی
 برنکلهه ساقیا ییقدک خراب ایتدک بنی
 بردوکنمز کانه ایردیردک غمکله بنده کی
 دولت حسنکده شام کامیاب ایتدک بنی

رخش نازہ چکندوب ای مه زمین عشوہ بی
 قائل یالیتی کنت تراب ایتدک بنی
 رویکی کیم ایلدک ای شوخ کویکده دریغ
 جنت ایجره مظهر نار عذاب ایتدک بنی
 شوق آب و تاب چنارک دوشردک سینہ یه
 معدن سیاب ایله پرپیچ و تاب ایتدک بنی
 شعلہ سیالہ آہہ ہم آغوش ایلوب
 ای پری فانوس شمع آفتاب ایتدک بنی
 دمبدم حسرتله غالب آہ وافغان ایلوب
 عاقبت مجبور آهنگ رباب ایتدک بنی



آغوش دلده کورسہم او حوری جمالی
 غبطہ نمای جنت ایدردم خیالی
 قان آغلدقہ ہجر ایله بن نشہ یاب اولور
 می می صانور عجب اوشوخ اشک آلمی
 دود درونی چرخہ ہم آغوش ایلسم
 اول ماہ حسنہ عرض ایدہم اشتعالی
 شورش فزای عشق اولہ لی بر پری عذار
 اقلیم دلده سویلیہم اختلالی

رخساری اوزره رؤیت زلفن امیدایدوب
فرق ایده مم بوشوقله روز و لیلای
صیقدم نگاه کرمله جانانی نرم ایکن
ایتدم رمیده حیف او وحشی غزالای
غالب بوفیض مهر و محبتله چوقیدر
وقف نعوت دلبر ایدر سه م مقالمی
اولمز نظیره حامی* استاده کرچه کیم
ایلر پسند جمله غزالده کالمی



خطا و صواب جدولی

صواب	خطا	سطر	صحیفہ
قضا الرندہ	قضا الرندہ	۶	۱۸
تشنیف	نشنیف	۴	۲۴
یابدیر دینی	یابدیر دینی	۱۳	۲۷
وزن بیلن	وزن بیلہ	۱۶	۳۲
اولد یغنه	اولد یغنه	۲	۳۸
خیالہ	خمالہ	۱۸	۳۸
نقش	نقش	۸	۴۰
شاعرانہ	شاعرانہ	۲	۴۱
آثار	اثار	۱۲	۴۲
ایتمسی	ایتمسی	۵	۴۲
رفاقندہ کی	رفاقندہ کی	۹	۴۳
معاونت	معاونت	۱۴	۴۴
عشر تہ	عشر تہ	۵	۴۷
ظاہر	ظاہر	۱۰	۵۳
حکمتہ	حکمتہ	۲	۵۴
جسمندہ	جسمندہ	۳	۶۰
روز	رور	۱۳	۶۹
اولوب	اونوب	۵	۷۱
بن اول	بن ول	۱۷	۷۱
اولوب	الوب	۶	۸۱

خطا و صواب جدولی

صواب	خطا	سطر	صحیفہ
جوشان	حوشان	۸	۸۸
آسمان	اسمان	۱۸	۹۰
بہود من	بہود من	۸	۹۶
خطا نر	خطا نتر	۱۳	۱۳۱
می برق	می . ق	۱۰	۱۳۳
جلوہ گاہ	حلوہ گاہ	۱۷	۱۳۹
اول	ال	۹	۱۴۰



آثار مفیده کتبخانه سی

آثار مفیده منسوب اولدقلری ملتک سامان عرفانی
احتوا ایدن برر خزینه در . بونلرک ضیاعی، حیات امده
تضمینی ناقابل ضرر لر ایقاع ایدر . بر طرفدن متوالی
ومستولی حریق لر ، دیگر طرفدن قدر شناسان اجانبک
بذل ایتدیکی نقود قارشیسنده اراده لری صار صلان ومغلوب
اولان اصحاب ویا حفاظ کتبمزک لاقیدی وجدانسوزی
یادکار اسلافک بر قسمی کتبخانه فایه ، بر قسمی ده
اوروپا و آمریقایه طاشیمقده در . او یله بر حالده که کونک
برنده خزائن عرفانمزک بسبتون بوشانمسندن قور قولور! ...
کتب غیر مطبوعه مزک حال ومقدراتی بو . مطبوع
اولانلرینه کلنجه : بونلر میاننده، مثلاً، مطبعه عامره ایله
مصر بولاق مطبعه سنک و قتیله فوق العاده التزام دقت
واعتنایده رک طبع وتمثیل ایتش اولدینی کتابلردن بر

جو غنک و اک قیمتلی و دکر لیلرینک نسخ موجوده سی
آزاله آزاله تدارکی کسب عسرت و، ینه مثلا، برقاج سنه
اول یکرمی، اوتوز غروشله ممکن التدارک اولان بر
مدیم دیوانی بوکون یوز اللی، ایکی یوز غروش راده سنه
ترفع فیثات ایتشدرد.

مطبعة عامره و مصر مطبعه سیله مطابع و طباع سائر دنک
الی الابد حافظه آرای شکران اوله جق صورتده خدمت
ایتمش اولمقله برابر، انتخاب آثار خصوصنده دائما اصابت
ایده مامش اولدقلرینی آثار مطبوعه کوسترییور. مثلا
شیخ الاسلام یحیی افندی کبی لسان وادیاتمزده
اساتید معدوده دن اولان برذاتک دیوانی اهاال اولنه رق،
سنبلازاده و عینی دیوانلری کبی قیمت تالییه بی حائر
اثرلر باصلمشدرد. استانبول لهجه بیانک شعر مزده استاد
اولی اولان باقی نک دیوانی بیله بواهاالدن قورتوله مادی.
آلتمش، یتمش سنه اول طاش باصمه سیله و غایت نامطبوع
صورتده طبع و تمثیل اولنان مجموعه اشعاری - که بوکون
نایاب و یا کیابدر - بیوک مطبعه لر مرکز تفریق و انتخاب
آنارده کی لاقیدیسنی کوسترد.



فہرستی ۱۰ غروشد

(آثار مفیدہ کتبخانہ سی) ہیئتی طرفندہ شمیری بہ قدر
نشر اولانہ کتابدر :

- الهام وطن : عبدالحق حامد بك . (سليمان
فینتن : عبدالحق حامد بك .
مکتوبلر : (برنجی وایکنجی جلد) عبدالحق حامد بك . (سليمان نظيف بكك
حاشیہ لریلہ)
طارق بن زیاد : عبدالحق حامد بك .
طیفلر کچیدی : عبدالحق حامد بك .
دیوان یحیی : شیخ الاسلام یحیی افندی . (محمود کمال بكك
مقدمہ سیلہ)
هرسکلی عارف حکمت بكك دیوانی . (محمود کمال بكك مقدمہ سیلہ)
ابن موسی : عبدالحق حامد بك .
لسقوفچہ لی غالب بكك دیوانی . (محمود کمال بكك مقدمہ سیلہ)
قنیرہ : نامق کمال بكك .

باقیندہ نشر اولانہ صوم کتابدر :

- اوروپا مکتوبلری : جناب شهاب الدین بك .
وطن، یاخود سلسترہ : نامق کمال بك .





3 1761 07966790 3

PL
248
L3A17
1916